

Jém wibic aṇmaṭi jém ijayñewiip jém Marcos

Jém Xiwan jém acchíṇoyapaap
najíyóypa jém titsinaxyucmi

(Mt. 3:1-12; Lc. 3:1-9, 15-17; Jn. 1:19-28)

1 Yiimpic tsucum jém wibic
aṇmaṭi iga taciaputtámiñ jém
tánOmi Jesucristo.

²Jém wiñicpic profeta jém Isaías
ijaychacne tí iníímáy jém tanJatuṇ
Dios:

Wiñíti aṇcutsatpa tum profeta,
jém pìxiñ aṇjagoyñeeba iníc.
Miwĩtsagáypa jém inítuṇ.

³Nicyajpa jém pìxiñtam jém
titsinaxyucmi juṭ dá tí idíyíy
iga imatoṇyajpa jém najíyoyapaap.
Pìmi najíyóypa jém pìxiñ.

Nimpa: “Áṇáyaayi jém tánOmi
ítuṇ.

Tsaci iga immalwattámpa
porque miñpa jém tánOmi.”

⁴Jesic tum jama núc jém Xiwan jém
titsinaxyucmi juṭ dá tí idíyíy iga
iṇmatpa jém Dios iṇmaṭi y icchiṇpa
jém pìxiñtam, iníímáypa:

—Tsaci iga immalwatpa y Dios
miwadáypa perdón jém iníáṇca.
Miñfaami, manacchiñtámpa iga
quejiñ iga iṇcucacneum jém iníjixi.

⁵Jesic ífumpiy jém Judeapic
pìxiñtam con jém Jerusalénpic

pìxiñtam nicpa imatoṇyaj jém
Xiwan jém acchíṇoyapáppic. Cuando
jém pìxiñtam iṇmadayyajpa Dios
jém itáṇca, jém Xiwan icchiṇpa jém
río de Jordán.

⁶Da wìcuyajne jém Xiwan. Jém
iyooṭi tacne con jém camello ipic,
agui jutsóypa. Jém imijpactsencuy
tum tsococuero. Icútpa jém awu,
iucpa jém jimñi chiñu. ⁷Jesic jém
Xiwan iṇmadáypa jém pìxiñtam
jém Dios iṇmaṭi. Nimpa:

—Miñpa antuuñiaṇciim tum
pìxiñ más wiap que aich. Da wiap
annasca, dá wiap aṇcuwijáyáy jém
iciac. ⁸Ich manacchiñtámpa con ni,
pero jém miñpáppic micchiñtámpa
con Dios iAnama.

Acchiñtap jém Jesús

(Mt. 3:13-17; Lc. 3:21-22)

⁹Jesic jeeṭim tiempo put ífícmi
jém Jesús jém atebet Nazaret
jém naxyucmi de Galilea. Jesic
jém Xiwan icchiṇ Jesús jém río de
Jordán. ¹⁰Iganam putpa niiciim jém
Jesús, iix iga áṇáy jém siṇ. Quet
jém Dios iAnama juuts tum cuucu,
nummiñ, núc hasta Jesúsyucmi.

¹¹Jém ífaywiip imatoṇyaj tum jiyi
siṇyucmi. Nímayta jém Jesús:

—Mich mammanic, tsam mantoypa. Siip agui amaymay con mimich.

Cutítstap jém Jesús

(Mt. 4:1-11; Lc. 4:1-13)

¹²Jesic jeefi rato jém Dios iAnama ininic jém Jesús jém titsinaxyucmi juú da ti idíyíy. ¹³Nic ífi cuarenta jama jém titsinaxyucmi juú ítyaj jém jimni animatyaj. Jesic jém Wocciwiñ miñ icutítstap jém Jesús iga icmalwatpa idíc. Jesic ocmi miñyay jém siñyucmipic pixiñtam, icuyoxayajpa jém Jesús.

Jesús moypa iwata jém Dios iyoxacuy jém naxyucmi de Galilea

(Mt. 4:12-17; Lc. 4:14-15)

¹⁴Ocmi matsta jém Xiwan, pajta cárcel. Iganam pajneta jém Xiwan, nic Jesús jém naxyucmi de Galilea iga inmatpa jém wibic anmatí iga núctooba jém jama iga Dios injjacpa yíp naxyucmi. ¹⁵Nimpa Jesús:

—Siip núcneum jém tiempo jém ininjócnetanwiip. Dam jáyñe Dios injjacpa jém ítyajwiip yíp naxyucmi. Jesic tsaci iga immalwatpa, cucaci iñjixi, cupictaami jém wibic anmatí iga miciacputtamtañ.

Jesús inwejay cuatro jém tiiptero

(Mt. 4:18-22; Lc. 5:1-11)

¹⁶Cuando naspa Jesús jém laguna anñaca inñiyi Galilea, iix jém Ximoj con ífiwi Anti. Síp ipatsyay jém ired jém laguna porque tiipteroyaj.

¹⁷Jesic Jesús inñimáy jeeyaj:

—Atúnjytaami. Siip nicpa tamméts jém pixiñtam juuts tiipi.

¹⁸Jesic jeefi rato ichacyaj ired, nic ífúnjyay jém Jesús.

¹⁹Jesic nic Jesús uxaj más juumi, ipát jém Jacobo, jém Zebedeo imaníc, con ífiwi jém Xiwan. Ítyaj jém barcojom, síp inótósyaj ired.

²⁰Jesic jeefi rato inwejayfim jeeyaj.

Jesic Jacobo y Xiwan ichacyaj ijatun jém Zebedeo jém barcojom con jém imozoyaj. Nic ífúnjyay jém Jesús.

Tum pixiñ imatsne idíc tum mal espíritu

(Lc. 4:31-37)

²¹Jesic nicayaj jém attebet Capernaum. Jeefim jejcuyjama, tigiy Jesús jém sinagoga. Moj inquejay jém Dios inmatí jém pixiñtam. ²²Jesic jeeyaj tsam tñeñjacyaj cuando imatonyaj ti nimpa jém Jesús. Porque najíyóypa juuts tum anjagooyi da juuts jém escribaspic maestroyaj.

²³Jém sinagoga íf idíc tum pixiñ imatsne tum mal espíritu. Pimi anwejpa, nímayta Jesús:

²⁴—MiJesús miNazaretpic, ¿tiiga ammoogíypa aichtam? ¿Que miñpa anactogoyta? Mánixpicpa, mich jém Yucmipic Dios miMiichi.

²⁵Jesic Jesús iwogáy jém mal espíritu, inñimáy:

—Odooy jiyi. Puti yíp pixiñ inamanjom.

²⁶Jém mal espíritu iccutin jém pixiñ naxyucmi. Pimi anwejpa jém mal espíritu, ocmi put. ²⁷Pimi anjécneyaj jém pixiñtam. Moj nacwácyajtaji entre jeeyaj:

—¿Tiapaap? ¿Que tum jomipic anquímayooyi inimiññe yíp pixiñ? Wiap ipimíy jém mal espíritu juuts tum anjagooyi y icupicyajpa.

²⁸Jicsciy wañpa icuwiti jém naxyucmi de Galilea ti iwatpa jém Jesús.

Jesús icpis jém Ximój imiidapa*(Mt. 8:14-15; Lc. 4:38-39)*

²⁹Jesic cuando putyaj jém sinagoga jém Jesús con icuyujciwiñ, nicyaj jém Ximój y Anti íficcim, iwagananicyajtim jém Jacobo y jém Xiwan. ³⁰Mimne jém Ximój imiidapa. Tsam pimi jawaný. Wone icheesmi. Cuando núc jém Jesús, aḡmadayta iga mimne jém yomo. ³¹Jesic Jesús icunúc jém yomo, imatsáy ici, ijictsucum. Jeetí rato ichac jém jawan, mojum iwat jém wíccuy iga acwíctap Jesús con jém icuyujciwiñ.

Jesús icpis jáyan jém mimneyajwiip*(Mt. 8:16-17; Lc. 4:40-41)*

³²Jesic tsuuyim cuando tigiyñeum jama, jém pìxiñtam inimíñayaj Jesús ítumpiy jém mimneyajwiip y jém imatsneyajwiip jém mal espíritu. ³³Ítumpiy jém ítayajwiip jém atebet aḡtuumayaj jém Ximój ítigaḡnaca. ³⁴Jesic Jesús icpis jáyan jém mimneyajwiip, jém iniítayajwiip wati jém caacuy. Ítoptim jáyan jém mal espíritu. Pero Jesús da ijígáy iga jiyja jém mal espíritu porque jeeyaj iixpicpa iapaap jém Jesús.

Najíyóypa Jesús jém naxyucmi de Galilea*(Lc. 4:42-44)*

³⁵Jesic tsam tsuuyim, piichcimnam, yus jém Jesús. Put jém tiganjom, nic icutum tum lugar juť da i idíyíy. Nic inwejpát Dios. ³⁶Jesic jém Ximój con jém icompañeroyaj nic icuámyaj jém Jesús. ³⁷Jesic ipátayaj, iñimayaj: —Síp mimétsyaj wati jém pìxiñtam.

³⁸Jesic Jesús iñímáy:

—Tanictámpa jém tungac tiganjjojyaj jém ítayajwiip nocojom iga anaḡmatpatim jém wibic aḡmafi. Jeeyucmi ich amiññe yíp naxyucmi.

³⁹Jesic nic Jesús ítumpiy jém atebetayaj icuwiťi jém naxyucmi de Galilea. Cada atebet najíyóypa Jesús jém sinagoga. Ítoptim jáyan jém mal espíritu.

Jesús icpis tum pìxiñ jém cupúgayñewiip iñaca*(Mt. 8:1-4; Lc. 5:12-16)*

⁴⁰Jesic miñ tum pìxiñ cupúgayñe iñaca, icunúc Jesús. Icošteeñáy jém Jesús ipuycim. Icunucsáypa jém Jesús iga iyoxpáđiñ, nimpá:

—Siiga inḡwianjam, wiap anacpis.

⁴¹Jesic Jesús tsam iyaachanjam, ichiccunúc jém pìxiñ, iñímáy:

—Aḡwianjam. Micuáyñeum.

⁴²Jesic cuando yaj nimi Jesús, jeetí rato ichacum jém lepra caacuy, wítsíyum jém iñaca. ⁴³Jesic Jesús inḡquímpa jém pìxiñ, duro ipimíy, ⁴⁴iñímáy:

—Odoj i aḡmadaayi iga ich manacpis, niḡi aḡquejaayi jém panij iga michacneum jém caacuy. Nanigaayi jém ofrenda juuts nimpá jém Moisés inḡquímayooyi iga miixťaiñ iga numa mipisneum.

⁴⁵Pero jém pìxiñ da iwat jempic. Nic inḡmat juťquej tí iwadáy jém Jesús. Jeeyucmi da wiap ítigiy Jesús ni tum atebet juť ixťap porque jém pìxiñtam tsam inḡtuumacayajpa. Jesic siiba aḡsícmi juť da tí idíyíy. Pero miñyajpa jém pìxiñtam juťquej iga iixyajpa jém Jesús.

**Jém Jesús icpis tum p̄ixiñ
tusacanewiip**

(Mt. 9:1-8; Lc. 5:17-26)

2 Cuando nas juna jama, set eybic Jesús jém Capernaum. Cuando ijodónayaj jém p̄ixiñtam iga setneum iticciim, ²jeefi rato antuumayajpa tsam jáyan p̄ixiñtam hasta da cutigiyyajpa jém tiganaca. Jesús inquejáypa jém Dios inmafi. ³Jesic cuatro p̄ixiñ inimíñayaj Jesús tum cuxuj tusacane icumij. Cópnetā inimíñta. ⁴Pero como tsam itñim, da wiap ininas jém mimnewiip iga icunúcpa Jesús. Jesic iniquímyaj tiganacbac, ijetyaj jém tic itecho. Yaj ijetyaj, ijímquetyaj t̄ipsyucmi jém cuxuj con ichees hasta juí it Jesús. ⁵Jesic mu iix Jesús iga tsam icupicyaj iga wiap icpisóy, inímáy jém cuxuj: —Manic, miwadayñeta perdón jém iníñca.

⁶Jemum coñyaj jém escribaspic maestroyaj. Moj ijisyaj ijixianjom: ⁷“¿Yip p̄ixiñ tiiga nimpa yimpic? Síp icujy tanDios. Jém tanJatuj Dios iyaac wiap iccáyáy tum p̄ixiñ itañca.” ⁸Pero Jesús ijodon ti s̄ip ijisyaj, jesic inímáy:

—¿Tiiga injístampa jempic? ⁹¿Ti más da tñca iga annímáypa yip cuxuj iga “Miwadayñeta perdón jém iníñca” o iga annímáypa iga: “Tsucumim, piñim inchees, wifim?”

¹⁰Pero iga injodónatamiñ iga jém Miñnewiip Sinyucmi iniit ipimi iga wiap iccáyáy jém p̄ixiñtam itañca yip naxyucmi (jesic Jesús inímáy jém cuxuj): ¹¹Mannímáypa, tsucumim, piñim jém inchees, nicsim iníñcimi.

¹²Iganam iámyajpa jém p̄ixiñtam, tsucum jém cuxuj, jeefi rato ipin jém ichees, put jém ticjom. Jeeyaj agui ipooñanjamyaj, moj icujípyaj Dios. Nimyaj:

—Da queman tánix yicxp̄ic milagro.

Jesús inwejáy jém Leví

(Mt. 9:9-13; Lc. 5:27-32)

¹³Jesic eybic nic Jesús jém laguna anaca. Jesic antuumayajpa tsam jáyan jém p̄ixiñtam juí it Jesús. Moj inquejajyajta jém Dios inmafi.

¹⁴Jesic moj niqui Jesús, naspá juí ichécayajpa jém impuesto. Iix iga jemum coñ jém Leví, jém Alfeo imaníc. Jesic Jesús inímáy jém Leví:

—Atúnjiyi.

Jesic tsucum jém Leví, nic itúnjy jém Jesús.

¹⁵Ocmi nic wiqui Jesús con icuyujciwiñ jém Leví iticciim. Iwaganacoñyaj jáyan jém ichécayajpaap impuesto y jém tunjac jém tñcaiyajwiip. Tsam jáyan de jeeyaj itúnjiyyajpa jém Jesús.

¹⁶Pero cuando jém fariseoyaj con jém escribaspic maestroyaj iixyaj iga jém Jesús iwaganawícyajpa jém ichécayajpáppic impuesto y jém tunjac tñcaiywiip, jesic inímayajpa jém Jesús icuyujciwiñ:

—¿Tiiga wagawícyajpa jém immaestro con jém tñcaiywiip?

¹⁷Cuando imatoñ jém Jesús ti nimyajpa, jesic inímáy jeeyaj:

—Jém dapic mimne da ixunpa jém tsóyíoyopaap, pero jém mimnejajwiip ixunpa jém tsóyíoyopaap. Ich da amiñ iga anajwejáypa jém dapic

táncaíy, pero miñ anañwejáy jém táncaíywiip iga ichacyajiñ jém ífánca.

Inmatpa Jesús de jém ayuno

(Mt. 9:14-17; Lc. 5:33-39)

18 Tum jama jém Xiwan icuyujciwiñ y jém fariseoyaj iwatyajpa ayuno. Jesic tungac miñ icwácyaj jém Jesús, nímáyta: —¿Tiiga iwatyajpa ayuno jém Xiwan icuyujciwiñ y jém fariseoyaj, pero mich inçuyujciwiñ da iwatyajpa ayuno?

19 Jesic Jesús inímáy jém miññeyajwiip: —Cuando yoomíypa tum pixiñ, inisñap jém iamigoyaj. Jesic iganam íf jém yoomíypaap, da wiap iwatyaj ayuno. **20** Pero núcpa jém jama cuando nanicnetawum jém yoomíypaap, tsíyyajpa iamigoyaj icutú. Jesic numa iwatyajpa ayuno.

21 Da i inótótspa tum pecapic yootí con tum jaca jém jomipic puctucu. Siiga i inótótspa jém pecapic yootí con jompuctucu, jesic nianxichpa jém jomipic y ocmim jacpa jém pecapic yootí jut núnmtsne jém intoochi. **22** Da i icucompa jém jomvino jém pecapic cuerobolsajom. Porque siiga jempic inwatpa, jesic pípa jém jomvino, tojanajpa jém pecapic cuerobolsa, cutegáypa jém vino, togoypaím jém cuerobolsa. Más wi iga cucomtap jém jomvino jém jomipic cuerobolsajom.

Jém Jesús icuyujciwiñ ífúcyajpa trigo jém jejcuy jama

(Mt. 12:1-8; Lc. 6:1-5)

23 Tum jejcuy jama widañnaspá Jesús jut nipnetá jém trigo. Cuando

widañnasyajpa jém icuyujciwiñ, moj ífúcyaj jém trigo ipac. **24** Jesic jém fariseoyaj inímáy jém Jesús:

—Íxi jém inçuyujciwiñ, ¿tiiga iwatyajpa jempic jém jejcuyjama contra jém tanaquímayooyi?

25 Jesic Jesús inímáy jém fariseoyaj:

—¿Que da immayñe ti iwatyaj jém David con icompañeroyaj cuando tsam yaachayajpa, tsam yuayajpa?

26 Jém David con icompañeroyaj tigíyyaj jém Dios ífícjom cuando íf jém cobacpic panij jém Abiatar. Jém David icút jém caxtánañi jém tsacnetawíip altaryucmi. Ichiitim jém icompañeroyaj. Tanjodon iga jém tanaquímayooyi da ijícpa iga i icútpa jém masticjompic caxtánañi, nada más jém panijyaj.

27 Jesic Jesús inímáytim jém fariseoyaj:

—Dios ichac jém jejcuy jama iga iwíwadayyajiñ jém pixiñtam. Da iwat jém pixiñtam iga ixutsyajpa jém jejcuy jama. **28** Ich, jém aMiññewiip Siñyucmi, achiíta jém pími iga wiap annímáy jém pixiñtam ti wiap iwatyaj jém jejcuyjama.

Jém pixiñ jém titsnewiip ici

(Mt. 12:9-14; Lc. 6:6-11)

3 Jesic eybictim tigiy Jesús tum sinagoga. Jenum íf tum pixiñ titsne ici. **2** Jesic jém Jesús ienemigoyaj tsam icuixyajpa siiga icpíspa jém pixiñ jém jejcuyjama iga iquejajwadayyajtooba jém añjagooyiciim. **3** Jesic Jesús inímáy jém pixiñ jém titsnewiip ici:

—Teñchucumi. Miñi mífeñi yíp pixiñtam añcucmi.

⁴Jesic icwácpa Jesús jém ityajwiip jem. Nímayyajtá: —¿Tí wíap tañwat jém jejcuyjama? ¿Wí iga tañwiwatpa o iga tammalwatpa? ¿Wí iga tañciacpudáypa tum pìxiñ ivida o tannaccáyáypa?

Pero jeeyaj dá jiyay. ⁵Jesic Jesús icuámset jém pìxiñtam, tsam jóyñe y aḡyácne iga agui maloyaj jém iḡnama. Jesic inímay jém pìxiñ, jém tìtsnewiip ici:

—Tími iḡci.

Jesic jém pìxiñ itím jém ici, wítsíyñeum. ⁶Jesic putyaj jém fariseoyaj. Aḡtuumayaj con jém Herodes ipìxiñtam, moj iḡisyaj jutsap iccaayaj jém Jesús.

Núcyaj tsam jáyaḡ jém pìxiñtam jém laguna aḡḡaca

⁷Nícyaj jém Jesús con icuyujciwiñ jém laguna aḡḡaca. Tsam jáyaḡ jém Galileapic pìxiñtam itúḡiyayjapa Jesús. ⁸Juí quej ijodóḡayaj jém pìxiñtam iga Jesús tsam iwíwatpa. Jesic nic iámyaj jém Jesús. Nícyaj jém Judeapic, jém Jerusalénpic y jém Idumeapic pìxiñtam. Nícyajpaḡim jém ityajwiip ni aḡwiñtuc jém río de Jordán y jém ityajwiip nocojóm de Tiro y Sidón. ⁹Jeeyucmi Jesús inímay jém icuyujciwiñ iga inimíniñ tum barco júḡ químpa iga jém pìxiñtam odoy icpitsiyajíñ.

¹⁰Jesús icpis jáyaḡ jém mimneyajwiip. Jeeyucmi itumpiy jém mimneyajwiip icunúcyajtooba Jesús. Tsam ichicyajtooba iga písajíñ. ¹¹Cuando jém imatsneyajwiip jém mal espíritu iixyaj Jesús, jesic icosteñayyaj jém

Jesús ipuyciim, pìmi aḡweyayjapa. Nímyajpa:

—iMicham Dios miManic!

¹²Jesic Jesús iwogáypa jém imatsneyajwiip jém mal espíritu. Inímay iga odoy nímiñ iapaap jém Jesús.

Jesús icupiḡ jém doce icuyujciwiñ

(Mt. 10:1-4; Lc. 6:12-16)

¹³Jesic ocmi quím Jesús tum cotsicyucmi. Iḡwejáy jém icupiḡpaap juuts je iwíañjam. Jesic jeeyaj miñ iámyaj jém Jesús. ¹⁴Jesic Jesús icupiḡ doce jém icuyujciwiñ iga iwaganasiiba. Icútsattooba iga niguiñ iḡmat jém Dios iḡmaḡi. ¹⁵Chiitapím jém Dios ipìmi iga icpisyajíñ jém mimneyajwiip y iga itopyajíñ jém mal espíritu jém pìxiñtam iḡnanaḡjom. ¹⁶Icupiḡ doce jém icuyujciwiñ: jém Ximój, iccámáyítim iníyi iga Peto; ¹⁷Jacobo, con itíwi jém Xiwan, icuístic Zebedeo imanictam, accámayḡa iníyi jém wisten iga Boanerges, yíp aḡmaḡi nimtooba iga tíḡpa juuts majíywiñ. ¹⁸Cupiḡyajtaḡim Anti; Felipe; Bartolo; Mateo; Tomax; Jacobo, jém Alfeo imaníc; Tadeo; Ximój, jém itwiip con jém partido cananista; ¹⁹y Judas Iscariote, jém iciiḡjuḡcotwiip jém Jesús.

Nímyajpa iga Jesús iniif tum mal espíritu

(Mt. 12:22-32; Lc. 11:14-23; 12:10)

Ocni Jesús nic tum ticciim con jém icuyujciwiñ. ²⁰Eybiḡcím aḡtuumayaj tsam jáyaḡ jém pìxiñtam. Da i lugar ni para wícyajpa jém Jesús con icuyujciwiñ. ²¹Jesic cuando

ijodónayaj jém ifíwítam tí iwát jém Jesús, nic imatsyaj porque nímajpa iga locojane Jesús.

²² Jém escribaspic maestroyaj miñyaj de Jerusalén. Nímajpa: —Yíp pìxiñ iniif jém mal espíritu injagooyi, jém Beelzebú, ianamanjom. Jeam ichi ipìmi, jeeyucmi wiap ifop jém mal espíritu jém pìxiñtam ianamanjom.

²³ Jesic Jesús inwejay jém maestroyaj. Inquejay con tum cuento. Nímajya:

—¿Jutsap initopta iyaac jém Wocciwiñ? ²⁴ Siiga nawéctap tum gobierno y tsýpa wisten partido, y siiga áñayajpa, jesic nayajyaptap jém gobierno. ²⁵ Siiga najóyixyaptap tum pìxiñ imanictam y áñayajpa con itíwi, jesic nayajyaptap. ²⁶ Siiga nawécyaptap jém Wocciwiñ idemonio y áñayajpa, jesic dá jáypa cuyajpa jém Wocciwiñ.

²⁷ Jém númpaap dá wiap itígý tum pìmpic pìxiñ iticjom iga icunúmáypa siiga dá wiñti ichenpa jém tic iomi. Pero siiga wiñti ichenpa, jesic wiap inúmáypa itumpiy jém iniitwiip iticciim.

²⁸ Numa mannímáypa iga wadaytap perdón jém pìxiñtam itánca. Wadaytaptim perdón siiga icujyapa jém tanJatun Dios, ²⁹ pero siiga tum pìxiñ icujyapa jém Dios iAnama, dá nunca i iwadáypa perdón jém itánca. Chiitap castigo jém dápic nunca cuyajpa.

³⁰ Nímajpa yimpic jém Jesús porque nímajpa jém pìxiñtam iga Jesús iniif tum mal espíritu ianamanjom.

Miñyaj jém Jesús iapa con ijáyuctam

(Mt. 12:46-50; Lc. 8:19-21)

³¹ Jesic ocmi núcyaj jém Jesús ijáyuctam con iapa. Tsíyyaj jém tic

añaca. Anwejayta Jesús iga míññ íám iapa. ³² Coñyaj jáyan pìxiñtam jém ticjom. Cucmi tsýj jém Jesús. Jesic jém pìxiñtam inímajyay jém Jesús:

—Jém inapa con iníwítam con inyomtíwítam núcneyaj jém tiganaca. Síp mimétsyaj.

³³ Jesic nímajpa Jesús:

—¿Pero i jém ánaja, i jém antiwítam?

³⁴ Jesic Jesús iámmats jém coñajwiip jem, jém icuwoyxtneyajwiip. Inímáy:

—Mimichám jém mánaja y mantíwítam. ³⁵ Porque itumpiy jém iwatpaap juuts ixunpa Dios, jeam jém antiwi, anyomtíwi y ánaja.

Jém cuento de jém iyinápápic jém trigo ipac

(Mt. 13:1-9; Lc. 8:4-8)

4 Jesic eybictim moj inquejay Jesús jém pìxiñtam jém laguna añaca. Antuumaneyaj jut it Jesús tsam jáyan pìxiñtam. Jeeyucmi tigý tum barcojom, nic coñi Jesús iga inquejaypa jeeyaj jém tsýñeyajwiip nianaca. ² Jesic Jesús inquejaypa jém pìxiñtam tsam jáyan wítampic jixi cuentujmi. Inquejaypa yimpic:

³—Siip matontaami íi mannímáytaampa. Tum pìxiñ nic ñipi, nic iyin jém trigo ipac icamjom. ⁴ Mu iyin jém pac, actin uxaj jém tunjom. Miñyaj jém jon, icútquet. ⁵ Actinñim uxaj jém pac tsaanjom jut dá i jáyan nas. Jesic jicsciy nay jém pac porque dá juchaj jém nas. ⁶ Cuando pijpa jama, inoonoca jém xuxuf planta. Yaj cutitsaayi porque dá

ñichigíy. ⁷ Actinñim uxan jem pac jem apidanjom. Jicsciy yón jem apíí, ixamsamca jem xuxuf planta. ⁸ Pero actinñim jem pac jem wibic naxyucmi. Wítímap. Algunos chióy treinta, algunos chióy sesenta, algunos chióy cien.

⁹ Jesic nimpa Jesús:
—Siiga mífatsigiyfa amatonñtaami.

Tiiga inmatpa Jesús cuentujmi

(Mt. 13:10-17; Lc. 8:9-10)

¹⁰ Ocmi cunigayyaj jem pixiñtam. Cuando icutum tsíy jem Jesús, jem ityajwiip noco con jem doce icuyujciwiñ icwácyajpa jem Jesús ti nimtooba jem xufu cuento. ¹¹ Jesic Jesús inñimáy jem icuyujciwiñ:

—Mimichfam, Dios michiiba jem jixi iga inçutiñiytampa jem jixi jem añnécnewiip idic. Siip inçutiñiytampa jutsap injac Dios jem ityajwiip yíp naxyucmi. Pero jem tungac pixiñtam, jem dapic icupicneyaj Dios, jeeyaj anañmadáypa cuentujmi. ¹² Dios iwat jempic para jem pixiñtam jem dapic ichactooaba jem itañca, jesic cuando iixyajpa, da icutiñiyyajpa. Cuando imatonyajpa, datim ijodónayajpa iga odoy ichacyajiñ iga imalwatpa y odoy i iwadáyin perdón jem itañca.

Jesús inmadáypa ti nimtooba jem cuento

(Mt. 13:18-23; Lc. 8:11-15)

¹³ Jesic Jesús inñimáypa jem icuyujciwiñ:
—Siiga mimichfam da inçutiñiytampa yíp xufu cuento, ¿jesic jutsap inçutiñiyfa jem tungac

cuento siiga manañmadáypa? ¹⁴ Jem pixiñ jem inñipap jem pac jex juuts jem pixiñ jem inmatpaap jem Dios inmañi. ¹⁵ Jesic cuando ñiptap jem Dios inmañi algunos jem pixiñtam jex juuts jem pac jem actinnewiip tunjom. Imatonyajpa jem añmañi, pero jem Wocciwiñ miña iccáyay jem añmañi jem ñipnetawiip jem pixiñ inamanjom. ¹⁶ Algunos jem pixiñtam jex juuts jem pac jem actinwiip tsañjom. Imatonyajpa jem añmañi. Agui maymayyaj mu ipictsonyaj jem Dios inmañi. ¹⁷ Jeeyaj como da ñichigíy, da jáypa. Cuando cutítstap, malwadaytap jem Dios inmañi icuyucmi, jesic jóypa jem pixiñ, ichacpa jem Dios inmañi. ¹⁸ Algunos jem pixiñtam jex juuts jem pac jem actinnewiip jem apidanjom. Imatonyajpa jem añmañi. ¹⁹ Pero jesic tsam iñispa jem iyoxacuy, tsam iwianjam jem tumiñ, tsam icusúnypatim jem dapic wi yíp naxyucmi. Jesic jexpic jixi ixamsamcaaba jem wibic añmañi. Jem pixiñ ichacpa jem Dios inmañi, da wiputpa, da tímap. ²⁰ Pero algunos jem pixiñtam jex juuts jem pac jem actinnewiip jem wibic naxyucmi. Imatonyajpa jem Dios inmañi, icupicyajpa, wítímap. Algunos chióy treinta, algunos chióy sesenta, algunos chióy cien.

Jém cuento de jém jucti

(Lc. 8:16-18)

²¹ Jesic nimñim Jesús:
—Tannooba jucti iga tayicquejpa. Da tañcujappa coñcucim ni da tantsacpa tseescucim. Tantunpa yucmi jem jucti iga tayicquejpa.

²²Porque quejpa itumpiy jém añnécnewiip idíc. Itumpiy jém yamnimnewiip, ocmi jodónatap.
²³Siiga mitatsigiyfa, maton̄taami ti mannámáypa.

²⁴Jesic Jesús in̄máytim jém icuyujciwiñ:

—Wadaayi caso iga in̄watpa ti mannámáypa. Siiga tsam impictson̄tooba jém Dios in̄māti, jesic Dios michiiba jáyan jém wítampic j̄ixi. Pero jém p̄ixiñ jém dap̄ic ipictson̄tooba, da ti ichiiba Dios. ²⁵Siiga impictson̄ne jém wibic j̄ixi, jesic miyoxpátpa Dios iga más in̄cutīiyíyíñ. Pero jém p̄ixiñ jém dap̄ic iwian̄jam jém wibic j̄ixi, jesic Dios iccáyáypa eybic jém īj̄ixi jém uxan̄pic iniit̄.

**Jutsap in̄pic jém wibic
añmāti iga tan̄jacpa Dios**

²⁶Jesic nim̄tim Jesús:

—Jém wibic añmāti jutsap in̄jac Dios ȳp naxyucmi jex juuts tum̄ p̄ixiñ in̄iptsac tum̄ pac icam̄jom.

²⁷Jesic jém p̄ixiñ mon̄pa y yuspa, tsuucim̄ y siññi. Jém pac naypa, mijap. Pero jém p̄ixiñ da ijodon̄ jutsap in̄ay ni jutsap im̄ija. ²⁸Jém nas wiap icm̄ija jém ñip̄ñibooyi, da tanyoxpátpa. Naypa jém pac, yónpa, mijap, ocmi tsampa. ²⁹Jesic cuando tsamum jém ítim, nicpa ipin̄ jém iom̄i porque tsamneum.

³⁰Jesic nim̄tim Jesús:

—Siip manan̄quejáypa jut̄pic añpicpa jém wibic añmāti iga Dios in̄jacpa ȳp naxyucmi. Manan̄quejáypa cuentujmi. ³¹Jém wibic añmāti jex juuts tum̄ mostaza ipac ñiptap naxyucmi. Je jém más xut̄pic pac que itumpiy jém

pacyaj. ³²Jesic ñipneum jém pac, yónpa, más mijap que itumpiy jém ñip̄ñibooyiyaj. Iccámpa jém mij̄pic in̄cis y jém jonyaj nicpa ífiyaj jém cuy in̄cisyucmi, jejaypa jém icumuñcom.

Tiiga accuyujóypa Jesús cuentujmi

(Mt. 13:34-35)

³³Con wāti jém cuento in̄quejáy Jesús jém p̄ixiñtam jém Dios in̄māti hasta jut̄pic wiāiñ icutīiyiyaj.

³⁴Jesús in̄madáy cuentujmi itumpiy jém p̄ixiñtam. Pero cuando icut̄um íf con jém icuyujciwiñ, jesic in̄madáy jeeyaj ti nimtooba itumpiy jém cuentoyaj.

Jesús icteñ jém sawa y jém niipoa

(Mt. 8:23-27; Lc. 8:22-25)

³⁵Jesic jeet̄im jama, tsuānam, Jesús in̄máy jém icuyujciwiñ: —Tanictámpa jém laguna añwiñtuc.

³⁶Jesic Jesús in̄químyaj jém añtuumaneyajwiip. Jém icuyujciwiñ tigiyaj barcojom con Jesús. Ininicyajpa Jesús jém laguna añwiñtuc. Iwagananicyajpatim tun̄gac jém barcoyaj. ³⁷Iganam niq̄uiyaj barcojom, moj poyi tum̄ sawa tsam̄ p̄imi. Jesic p̄imi pooba jém ni, tsam̄ p̄imi tigiyaj ni jém barcojom hasta comtooba. ³⁸Mon̄pa Jesús jém barco ítuscim̄ tum̄ colchonyucmi. Jém icuyujciwiñ ichicyusyaj, in̄mawayaj:

—Mammaestro, ¿que da ín̄ix iga tacum̄on̄toobam?

³⁹Jesic yusum jém Jesús, in̄máy jém sawa iga teeñiñ. In̄máytim jém lamar:

—iT̄ineí, odom tsigooyi!

Jesic teñum jém sawa y t̄ineum jém nīpoa. Dam tí tsigóypa. ⁴⁰Jesic Jesús in̄ímáy jém icuyujcīwiñ:

—¿T̄iiga tsam mic̄iñt̄ampa? ¿Que dá in̄cupict̄ampa iga Dios tawatpa cuenta?

⁴¹Tsam p̄imi c̄iñyaj jém Jesús icuyujcīwiñ. Nan̄imayyajtap: —¿Iapaap ȳip p̄ixiñ iga jém sawa y jém nīpoa icupicpa?

Jém Gadarapic p̄ixiñ imatsne id̄ic jáyan jém mal esp̄iritu

(Mt. 8:28-34; Lc. 8:26-39)

5 Jesic oc̄mi Jesús con icuyujcīwiñ núcyaj jém laguna aḡwiñtuc jém naxyuc̄mi de Gadara. ²Jesic mu iput jém Jesús jém barcojom, ipát tum Gadarapic p̄ixiñ. Miñ jém p̄ixiñ jém camposanto. Imatsne jém mal esp̄iritu. ³Jém p̄ixiñ dá ipa tiganjom, nicpa ít̄i jém camposanto. Dá i wiap ichen jém p̄ixiñ ni con cadena. ⁴Wāciy tsénayt̄a jém p̄ixiñ ici y ipuy con cadena, pero siempre ijacpa jém cadena. Iccujagáypa jém t̄iñcuy jém in̄uusmatsayñewiip ipuy. Tsam p̄imi malo, dá i wiap imanxuwat jém p̄ixiñ. ⁵Tsuuc̄iim y siñni sīiba jém p̄ixiñ jém camposanto y jém cotsicjom. P̄imi aḡwejpa. Tsam naccoowanet̄a iyaac tsaami. ⁶Jesic cuando jém p̄ixiñ juuminam iix jém Jesús, póyan̄tsucum, miñ icosteeñay jém Jesús iwiñjom. ⁷Jesic p̄imi j̄iypa jém p̄ixiñ. Nimpa: —MiJesús, ¿t̄iiga miñpa ammooḡiy? Mich jém Yuc̄mipic Dios miManic. Mañcunucsáypa por Dios iga odoy ayaachwāti. ⁸Jemp̄igam nimpa jém p̄ixiñ porque Jesús in̄ímáy jém mal esp̄iritu:

—Mimalesp̄iritu, puti jém p̄ixiñ ianamañjom.

⁹Jesic Jesús icwác jém p̄ixiñ, nimpa:

—¿Mich, mīiapaap?

Jém p̄ixiñ icutsoḡ. Nímayt̄a Jesús:

—Ich aLegión porque tsam ajáyan̄tam.

Taich tanañmāti jém legión nimtooba iga agui jáyan.

¹⁰Jém mal esp̄iritu icunucsáy Jesús iga odoy icutsadiñ tunḡac lugar. ¹¹Íf id̄ic jem jáyan jém yoya. Wícyajpa nocojom de jém cotsic̄ciim. ¹²Jesic jém mal esp̄iritu icunucsáypa jém Jesús. Nímayt̄a: —Acutsattaami jūf íf jém yoya. Ajígaayi iga atigiyt̄ampa jém yoya ianamañjom.

¹³Jesic Jesús ij̄gáy iga tigiyay jém yoya ianamañjom. Cuando putyajum jém mal esp̄iritu jém p̄ixiñ ianamañjom, nic tigiyiyaj jém yoya ianamañjom. Ítyaj jem como dos mil yoya. Mu it̄igiyay jém mal esp̄iritu, póyan̄tsucumyaj jém yoya. Poyimi quetyaj jém tejajyuc̄mi. Tigiyay jém nīiciim. Yaj jic̄icaiyaj jém yoya.

¹⁴Jesic poyyay jém p̄ixiñtam jém iwatyajpáppic cuenta jém yoya. Tsam p̄imi c̄iñyaj. Nic in̄madayyaj jém p̄ixiñtam tí in̄ascayaj jém yoya. Nanict̄a jém aḡmāti icuwīti jém atebet Gadara y hasta jūf nicne yoxajiyaj. Jesic jém p̄ixiñtam miñ lámayaj tí in̄ascayaj jém yoya. ¹⁵Núcyaj jūf íf jém Jesús. Iixyay jém p̄ixiñ jém imatsnewiip id̄ic jém mal esp̄iritu tsam jáyan. Jemum coñ, puctuḡiyum, j̄ixīfyum. Cuando iixyay jém p̄ixiñtam, tsam p̄imi c̄iñyaj. ¹⁶Jesic jém p̄ixiñtam, jém

iixñeyajwiip tí iwat Jesús, moj inmadayyaj jém miññeyajwiip tí iñasca jém pìxiñ jém imatsnewiip idíc jém mal espíritu y tí iñasca jém yoya. ¹⁷Jesic jém Gadarapic pixiñtam moj iñmayyaj jém Jesús iga niguiñam de jem.

¹⁸Eybicím tigiy Jesús jém barcojom. Jém pìxiñ, jém iniifwiip idíc jém mal espíritu, iñmá y jém Jesús:

—Ich anictoobaím. Ajígaayi iga awaganicpa con mimich.

¹⁹Pero Jesús dá ijígáy iga nicpa itúnáy jém pìxiñ. Nimpa Jesús:

—Nicsim iñticmi. Nigi anmadaayi jém iñiítam tí miwadáy Dios iga tsam miyaachanjam.

²⁰Jesic jém pìxiñ nic jém naxyucmi Decápolis. Moj inmadáy jém pixiñtam tí iwadáy Jesús cuando itobáy jém mal espíritu. Tsam ipooñanjamyaj itumpiy de jeeyaj.

Jém Jairo iyommanic y jém yomo jém ichiccunúcwiiip Jesús

(Mt. 9:18-26; Lc. 8:40-56)

²¹Jesic set eybic Jesús jém laguna anwiñtuc jém barcojom. Cuando núc Jesús jém ni anñaca, jesic in tuumacayaj tsam jáyan jém pixiñtam. ²²Jesic miñ iam Jesús tum pìxiñ iñiyi Jairo, tum sinagoga injagooyi. Cuando núc juí íf Jesús, icosteeñáy ipuyciim. ²³Jesic jém Jairo pimi icunucsáypa jém Jesús. Nímayta:

—Tsam pimi mimne jém anyommanic. Caatoobam. Nigi accámaayi inçi jém anyommanic icobacyucmi iga pìxiñ iga odo y cañ.

²⁴Jesic jém Jairo iwagananic jém Jesús. Tsam jáyan pixiñtam nicyajím, itúnayyaj jém Jesús. Tsam icpitsiyaj. ²⁵Jém pixiñtamanjom íftim tum yomo mimne. Doce amtyi iniif jém caacuy iga quetpa iñiipiñ. ²⁶Wafi jém tsóyiyoypaap ichóyiyíip, pero tsam iyaachwatne jém yomo. Yajneum iwadáy gasto jém itumiñ, pero dá pispa. Mástim pimi mimne.

²⁷Jém yomo imatoñne iga tsam wiap icpisóy jém Jesús. Jesic iganam tsam icpitsiyajpa Jesús jém pixiñtam, jém yomo icunuc jém Jesús ituuñianciim, ichigáy jém Jesús iyooti. ²⁸Nimpa jém yomo ijixianjom: “Siiga antsigáypa iyooti con ançi, jesic apispa.” ²⁹Jesic jeetí rato teñ iga quetpa jém iñiipiñ. Ijam jém yomo iga pisneum. ³⁰Jesic Jesús icutiíyíy iga icpis tum mimnewiip con ipimi, ámsset jém pixiñtamanjom, nimpá:

—¿I atsigáy jém anyooti?

³¹Jesic jém icuyujciwiñ iñmá y: —Íñix iga jém pixiñtam tsam pimi micpitsiyajpa. ¿Tíiga micwágóypa iga i michic?

³²Pero Jesús icuámsetpa iga iixiñ i ichic. ³³Jesic agui cñne jém yomo, agui cuetsáypa porque ijodon jutsa mu ipis. Miñ icosteeñáy jém Jesús iwiñjom, iñuumanmadáy Jesús tí iñasca. ³⁴Jesic Jesús iñmá y:

—Miyomo, mipisneum porque tsam in cupicpa iga Dios wiap micpis. Siip michacneum jém caacuy. Chogoyñicsim.

³⁵Iganam Jesús ininmatpa jém yomo, núcyaj algunos jém pixiñtam, miññeyaj jém Jairo iticciim. Iñmayyaj jém anjagooyi:

—Caaneum jém iñyommanic. Odom más wadaayi molestia yíp tammaestro.

³⁶Pero Jesús da iwadáy caso tí iñímáy jém miññeyajwiip. Iñímáy jém Jairo:

—Odoy cñi. Cupici iga Dios wiap miyoxpát.

³⁷Jesic da ijícpa Jesús iga nicpa ítúñyyaj jém pixiñtam. Ininic no más Peto, Jacobo, y Xiwan jém Jacobo ítíwi. ³⁸Cuando núcyaj jém sinagoga injagooyi ítíccim, iix Jesús iga tsam ít bulla, tsam weyjajpa, tsam anyácneyaj. ³⁹Tigiy ticjom jém Jesús, iñímáy jém pixiñtam jém weyjajpáppic:

—¿Tiiga tsam miwejtámpa? ¿Tiiga tsam injwattámpa bulla? Da caane jém woñi, moŋpa.

⁴⁰Pero jeeyaj agui ixíccayajpa jém Jesús. Jesic Jesús iquebacputyaj ítumpiy jém ítýajwiip jém ticjom. Jesic iwagananicpa Jesús jém woñi ijatuj con iapa y jém icuyujciwiñ. Tigiyaj jém cuarto juí ít jém woñi.

⁴¹Jesic Jesús imatsáy jém woñi ici, iñímáy jém woñi:

—Talita cumi.

Taichtam tanañmatimi nimtooba: Miwoñi, mannímáypa, tsucumi.

⁴²Jeetí rato tsucum jém woñi. Mojum wífi. Doce iamtiy iniit. Jém ítýajwiip tsam pími ipooñanjamyaj mu iixyaj tí iwat Jesús. ⁴³Jesic Jesús tsam iwianquím jeeyaj iga odoy i injmadáyñ iga icpis jém woñi. Iñímáytim Jesús iga acwíctaiñ jém woñi.

Nicgacpa Jesús jém Nazaret

(Mt. 13:53-58; Lc. 4:16-30)

6 Jesic put de jem jém Jesús, nic ítícmi.

Iwagananicyajpatim jém icuyujciwiñ. ²Jesic cuando núc jém jejcuyjama, moj accuyujooyi Jesús jém sinagoga. Itýaj jáyaj pixiñtam. Mu imatonyaj tí injmatpa jém Jesús, jesic tsam ipooñanjamyajpa. Nimyajpa:

—¿Juí cuyuj yíp pixiñ? ¿Juí ipic yíp wibic jixi? ¿Jutsap iwat con ici jém wítampic milagro? ³¿Da yíp pixiñ jém carpintero? Iapa jém Malía. Tánixpigáypatim jém ítíwítam jém Jacobo, jém José, jém Judas y jém Ximój. Itýajtim yim jém iyomtíwítam con taichtam.

Jeeyucmi jém pixiñtam ítjóyixyajpa jém Jesús. ⁴Jesic Jesús iñímáy jeeyaj:

—Juíquej wípictsonŋap tum jém profeta, pero cuando nicpa najíyooyi ítícmi, jesic jém ítícmipic pixiñtam con jém ítíwítam da iwíixyajpa.

⁵Jesic jém Jesús da wiap iwat jém milagro ítícmi. Ichic con ici nada más juten jém mimneyajwiip iga icpisyajpa. ⁶Agui ipooñanjampa Jesús iga jém pixiñtam da icupicyajpa iga Dios wiap iwat jém milagroyaj. Jesic ocmi Jesús icuwítetpa ítumpiy jém xuxut tiganjoj jém ítýajwiip nocojom iga injmatpa jém Dios injmatí.

Jesús icutsat icuyujciwiñ iga nicyajñ najíyooyi

(Mt. 10:5-15; Lc. 9:1-6)

⁷Jesic Jesús injwejáy jém doce icuyujciwiñ. Icutsat wiswis iga nicyajñ injmat jém Dios injmatí juíquej. Chiiyajta jém Dios ipimi iga wíaiñ ítopyaj jém mal espíritu jém pixiñtam iñamanjom. ⁸Jesic Jesús

iñímáy jém icuyujciwiñ iga odoy tí ininicyajiñ tunjom. Nímawaytajap:

—Nanictaami no más jém imbastun. Odoy nanictaami ni tumiñ, ni immorral ni tífam iñcútpa. ⁹Acçaami jém iñciac y tum jém iñyoofi. Odoy nanictaami tunçac iñyoofi. ¹⁰Cuando miñúctampa tum ticciim, jemum poychíyáami hasta miñictámpa tunçac tiganjoj. ¹¹Siiga miñúcpa tum tiganjoj, y dá i miwípictsonjpa, ni dá i imatonjtooba jém Dios iñmaí, jesic puttaami añsici, cunebayáami jém impuy iga cáyiñ jém pótpót. Jempigam ininquejáypa jém pixiñtam iga núctip jém Dios iñmaí. Numa mannímáypa iga cuando núcpa jém jama iga Dios icíipijpa ítumpiy jém malopic pixiñtam, jesic yípyaj pixiñtam jém dápic iwianjamyaj jém Dios iñmaí, más chiítap castigo que jém malopic pixiñtam jém ityajwiip jém atbet de Sodoma y Gomorra.

¹²Jesic nic najíyooyiyaj jém Jesús icuyujciwiñ. Inquímayjpa jém pixiñtam iga ichacyajiñ iga imalwatpa y iga iwatyajiñ juuts ixunpa Dios. ¹³Jém Jesús icuyujciwiñ ítopyajpatim jáyan jém mal espíritu jém pixiñtam ianamanjom. Iccámayyaj aceite icobacyucmi jáyan jém mimneyajwiip. Acpişajta.

Acçaata jém Xiwan jém acchíņoypaap

(Mt. 14:1-12; Lc. 9:7-9)

¹⁴Jém rey Herodes imatonj tí iwatpa jém Jesús porque waņpa juťquej tí iwat. Ijisyajpa iga pisneum jém Xiwan jém

acchíņoypaap, jeeyucmi wiap iwat jém witampic milagro.

¹⁵Pero tunçac nimpap:

—Pisneum jém wiñicpic profeta jém Elías.

Tunçagam nimpap:

—Yíp pixiñ tum jém profeta jex juuts jém wiñicpic.

¹⁶Mu imatonj tí iwat jém Jesús, jesic nimpap jém Herodes:

—Yíp jém Xiwan jém ampiimiñewiip iga tñcujagaytañ iisci. Siip pisneum.

¹⁷Porque yíptim Herodes ipiimáy iga matstaiñ jém Xiwan. Pajta cárcel, tsentá con cadena porque iwogáy jém añjagooyi cuando ítobáyáy jém ítíwi Felipe iwichomo. Jém yomo iñiyi Herodías. ¹⁸Jém Xiwan iñímáy jém Herodes:

—Mich dá iñwat juuts nimpap jém Dios inquímayoyi. Dá wi iga impigayñe iñíwi iyomo.

¹⁹Jeeyucmi jém yomo Herodías tsam ijóyixpa jém Xiwan hasta iccaatooba, pero dá wiap. ²⁰Porque jém Herodes tsam icijpa jém Xiwan. Ijodonj iga wibic pixiñ y siempre iwatpa juuts ixunpa Dios. Jeeyucmi jém añjagooyi dá ijácpa iga i imalwadáypa jém Xiwan. Tsam aņyácpa jém añjagooyi cuando imatonj jém Xiwan inmadayoyi, pero siempre imatonjtooba. Pero dá icupicpa. ²¹Jesic núc jém jama iga jém yomo Herodías ipát jutsap icca jém Xiwan. Núc jém añjagooyi Herodes icumpleño. Iwatpa tum siñ jém Herodes. Iwadáy invitación ítumpiy jém añjagooyiyaj con jém soldado injagooyiyaj y con jém pixiñtam jém iniityajwiip jém mįjtampic cargo jém naxyucmi de

Galilea. ²²Tigiy jém yomo Herodías iyommanic juť iwatyajpa jém siŋ. Jém woñi etspa jém pixiñtámanjom. Jesic jém Herodes con jém ityajwiip jem tsam iwianjamyaj jém woñi iga etspa. Jém rey inímáy jém woñi:

—Awágaayi títam inxunpa y ich manchiiba.

²³Jesic jém Herodes ijiycámáy jém woñi iga ichiiba títam ixunpa hasta cucmi jém naxyucmi juť injacpa. ²⁴Jesic jém woñi put jém cuarto juť siŋayajpa. Nic icwác jém iapa. Nimpa jém woñi:

—¿Ti aŋwágáypa jém Herodes?

Nimpa jém woñi iapa:

—Wágaayi jém Xiwan icobac jém acchínoypaap.

²⁵Jesic jicsciy tigiy eybic jém woñi juť it jém rey. Nimpa jém woñi:

—Ansunpa iga siipti achiaayi jém Xiwan icobac jém acchínoypaap tum mijpic chimajom.

²⁶Jesic pimi anyác jém rey, pero como ijiycámáyneum iga ichiiba títam ixunpa jém woñi y como itumpiy jém inquejaynewiip imatorayaj, jesic dá ti wiap iwat más que ichiiba juuts ijiycámáyne.

²⁷Jesic jeeti rato jém rey icutsat tum soldado, jém accaoypaap, iga inimíñáyin jém Xiwan icobac.

²⁸Jesic jém soldado nic jém cárcel, ifinquejagáy jém Xiwan iisci. Jesic inimíñáy jém icobac tum mijpic chimajom. Chiifá jém woñi. Jesic jém woñi ipictsoŋ, ichi iapa.

²⁹Cuando jém Xiwan icuyujciwiñ imatorŋ ti inasca jém Xiwan, jesic oy ipinayaj jém imijtay, nic icúmayaj tum tsaajosjom.

Jesús icwíc jém cinco mil pixiñtam

(Mt. 14:13-21; Lc. 9:10-17; Jn. 6:1-14)

³⁰Jesic ocmi antuumayaj jém apóstolyaj juť it Jesús. Inmadayyaj Jesús títam iwatyaj y títam inquejayyaj jém pixiñtam cuando oy najíyooyi. ³¹Jesic Jesús inímáy jém icuyujciwiñ:

—Miñtaami mimichám, tanictámpa tum lugar juť dá inim. Tapoyjejtámpa.

Porque tsam antuumayajpa jém pixiñtam, miñpa y nicpa hasta dá i lugar para wícyajpa jém Jesús icuyujciwiñ. ³²Jesic Jesús con jém icuyujciwiñ nicyaj tum barcojom. Nicyaj naps jeeyaj juť dá i idíyíy. ³³Pero tsam jáyan jém pixiñtam iixyaj iga nicyajpa Jesús con icuyujciwiñ. Iixpicyaj Jesús iga niqwi barcojom. Jesic póyanhsucumyaj jáyan jém pixiñtam, miñyaj waťi jém tiganjoj. Icuwítxetyajpa jém laguna. Anjagóy miñúcyaj antes que núcpa Jesús.

³⁴Cuando núc Jesús, put jém barcojom, iix iga antuumaneyaj tsam jáyan pixiñtam. Tsam iyaachanjampa porque jeeyaj jex juuts jém borregoyaj jém dapic oomíy. Dá i iwatpa cuenta. Jesic Jesús moj inquejáy jáyan wítampic jixi. ³⁵Jesic tsuuyim, miñyaj jém Jesús icuyujciwiñ, icunúcyaj jém Jesús. Nímayta:

—Yiim dá i tiganjoj, siip tsam tsuuyim. ³⁶Nímaayi jém pixiñtam iga niqwiñ ijuyyaj títam icútyajpa. Nicyajin yiim jeexic juť it jém tiganjoj porque yiim dá i ti tançútpa.

³⁷ Pero Jesús inílmáy jém icuyujciíwiñ:

—Mimichfám acwíctaami.

Jesic nímyajpa jém Jesús icuyujciíwiñ:

—¿Que aichfám nicpa anjúyayta doscientos tumiñ de plata jém caxtánañi iga anacwícpa jém pixiñfám?

³⁸ Jesic Jesús icwác jém icuyujciíwiñ. Nímayta:

—¿Juten caxtánañi iniítta? Nigi aami.

Quando ijodónayaj, inímayyaj:

—Anaiítta cinco caxtánañi y wisten tiipi.

³⁹ Jesic Jesús inílmáy ítumpiy jém pixiñfám iga aŋtsaycoñyajiñ naxyucmi jém múganjom.

⁴⁰ Aŋtsaycoñyaj ítumpiy jém pixiñfám algunos cincuenta algunos cien. ⁴¹ Jesic Jesús ipic jém cinco caxtánañi y jém wisten tiipi. Ámquím siñyucmi, moj iñwejpát Dios. Jesic iwenwenjac jém caxtánañi. Ichi icuyujciíwiñ iga icwícayajiñ jém pixiñfám. Iwécítm jém wisten tiipi iga ichiyyajpa ítumpiy jém pixiñfám. ⁴² Itumpiy wícayaj hasta cusyaj. ⁴³ Ocmi jém Jesús icuyujciíwiñ ipiñyaj doce nacoŋ jém caxtánañi y jém tiipi jém cutsíywíppic. ⁴⁴ Jém icútneyajwiip jém caxtánañi cinco mil jém pixiñfám.

Wítpa Jesús jém niíwiñpacyucmi

(Mt. 14:22-27; Jn. 6:16-21)

⁴⁵ Jesic yajum wiiquiyaj, jeetí rato Jesús inílmáy icuyujciíwiñ:

—Siip tigiýtaami barcojom, nicstaami jém Betsaida jém laguna aŋwiñtuc. Jemigam manactsíypa.

Siip apoychíypa yim iga ananquímpa jém pixiñfám.

⁴⁶ Jesic yajum inquímnyaj jém pixiñfám, nic Jesús tum cotsicyucmi iga iñwejpátpa Dios. ⁴⁷ Jesic piichawum, jém barco cucmim niqúi jém laguna. Icutum tsíy Jesús jém naxyucmi juít tsucumyaj. ⁴⁸ Jesús iix iga sopsneyajum jém icuyujciíwiñ iga icwíyajpa jém barco con jém remos. Porque poypa jém sawa, tsam ictsíypa jém barco, táncaap iñic. Jesic cuquejaciim núc Jesús juít niquiyaj jeeyaj. Wítpa iñic Jesús jém niíwiñpacyucmi, inascatooba idic jém barco. ⁴⁹ Pero cuando jém icuyujciíwiñ iixyajpa iga wítpa niíwiñpacyucmi, ijísyajpa iga iixyaj tum poñ. Tsam aŋweyajpa porque ciñneyaj. ⁵⁰ Itumpiy jém icuyujciíwiñ iixyaj. Tsam pimi ciñyaj. Pero jeetí rato ijíyáypa Jesús, inílmáy:

—iCamamwattaami iñanama!
iAicham! iOdoy ciñtaami!

⁵¹ Jesic tigiý barcojom jém Jesús con jeeyaj. Teeñanjac jém sawa. Mu iixyaj jém icuyujciíwiñ, tsam pimi tñeanjacyaj, agui ipooñanjamyajpa. ⁵² Porque danam icutiñyinyeyaj jém milagro iga icjáyaja jém caxtánañi. Tsam camam ianama, danam icupicneyaj.

Jesús icpis jém mimneyajwiip jém naxyucmi de Genesaret

(Mt. 14:34-36)

⁵³ Mu ijacyaj jém laguna aŋwiñtuc, núcyaj jém naxyucmi Genesaret. Ichenyaj ibarco jém playa aŋnaca.

⁵⁴ Jesic putyaj jém barcojom Jesús con icuyujciíwiñ, jém Genesaretpic

pixiñtam iixpicayjpa jém Jesús.
⁵⁵Jesic jém pixiñtam nicayj
 poyimi yim jeexic. Moj inimiñyay
 tseesyucmi jém mimneyajwiip
 hasta juí íf Jesús. ⁵⁶Jufquej nicpa
 Jesús jém xuñupic tiganjoj o jém
 mijpic attebetayj, jém pixiñtam
 inimiñyayjpa jém mimneyajwiip.
 Ichacyajpa jém calle aññaca juí
 naspa Jesús. Cuando núc Jesús,
 jesic jém pixiñtam icunucsáypa
 iga icpisyajiñ jém mimneyajwiip.
 Nimyayja:

—Jígaayi nada más iga
 michigayyajpa jém iñyooíi jém
 mimneyajwiip.

Porque siiga ichigáypa iyooíi
 iññaca, pisyajpa itumpiy jém
 mimneyajwiip.

**Jém táñca tsucumpa jém pixiñtam
 ianamanjom**

(Mt. 15:1-20)

7 Ocmi añtuumayaj juí íf Jesús
 algunos jém fariseoyaj
 con algunos jém escribaspic
 maestroyaj. Miñyay Jerusalén.

²Iixyay iga jém Jesús icuyujciwiñ
 dá icheeyajpa ici juuts jém
 Israelpic pixiñtam icostumbre
 antes que wícpa. Ijñsyaj siiga dá
 iwatyajpa jém costumbre jém
 Jesús icuyujciwiñ, ictañcawatpa.

³Porque jém fariseoyaj y itumpiy
 jém Israelpic pixiñtam da wícyajpa
 siiga dá wañciy icheeba ici juuts
 nim jém wiñicpic costumbre,
 jém ichacnewiip jém wiñicpic
 wiñaytam. ⁴Cuando set de jém
 mercado, dá tí iciispa hasta
 que icheeba ici juuts nimpa jém
 wiñicpic costumbre. Iniifyaj jáyan
 costumbre juípic icheeyajpa ifaza,

jém majcuy y jém tñcuyxuuy y
 juípic icheeba jém ichees. ⁵Jesic
 jém fariseoyaj con jém escribaspic
 maestroyaj icwácyajpa jém Jesús.
 Nímayta:

—¿Tíiga jém iñcuyujciwiñ
 dá iwatyajpa juuts nimpa jém
 costumbre jém ichacnewiip jém
 wiñicpic pixiñtam? Da icheeyajpa
 ici antes que wícyajpa juuts nimpa
 jém costumbre.

⁶Jesic Jesús iñímáy jeeyaj:
 —Da migóypa jém wiñicpic
 Dios iñmatciwiñ jém Isaías
 cuando miñmadayta. Quejpa iga
 minimigóyaytap iñyaac juuts nim
 jém Isaías. Ijaychacne yimpic:

Nimpa Dios:

Yípyaj pixiñtam acujípyajpa con
 ijip.

Pero ianamanjom dá
 acupicneyaj.

⁷Xajañim ajisyajpa.

Iñquejayyajpa jém pixiñtam
 ijixquiimi juuts wibic
 añquímayooyi.

⁸Jesic Jesús iñímáyñim jém
 pixiñtam:

—Michñtam iñchacneta jém Dios
 iñquímayooyi. Iñwattámpa siip
 juuts jém pixiñtam icostumbre
 iga iñcheeba immajcuy, jém
 imvaso, y tungac más jáyan jexpic
 cosa. ⁹Jeeyucmi mimichñtam tsam
 iñchactámpa jém Dios iñmatí.
 Iñwianñjamta iga iñwattámpa jém
 wiñicpic costumbre. ¹⁰Nimpa jém
 Moisés iñquímayooyi: “Wixñtaami
 jém iññatun y iññapa. Siiga
 i imalnímáypa jém iññatun o iñña,
 jesic wi iga accaatañ jexpic pixiñ.”
¹¹Pero mimichñtam iniññta tun dá
 wibic costumbre. Miñimtámpa siiga

i iníamáypa ijatuj o iapa iga: “Da wiaꝑ manyoxpát porque itumpiy jém anaiťwiip, jém manchiipáppic idíc, tsíy juuts Corbán.” (Taichťam tanaꝓmaťimi nimtooba iga ijíycámáypa Dios iga ichiiba.)

¹²Siiga iwatpa así tum pixinĩ, jesic miñĩmtámpa iga da malo jém pixinĩ iga da iyoxpátpa jém ijatuj o iapa.

¹³Jempigam inictogoyťámpa jém Dios inꝓquímayooyi porque mich inꝓwattámpa jexpic costumbre, jém ichacnewiip jém pixinĩtam dende wiñĩgam. Tsam jáyan jexpicťim cosa inꝓwattámpa.

¹⁴Jesic eybic inꝓwejáy Jesús itumpiy jém pixinĩtam. Iníamáypa: —Amatonꝓtaami iníitumpiyťam.

Cutiĩyiyťaami řítam mannĩmayťámpa. ¹⁵řítam inꝓcúťpa, jém tigiyapaap inĩjꝓjom, da mictaꝓcaťyapa. Pero jém malopic jixi, jém putpáppic inĩanamajjom, je numa mictaꝓcaťyapa. ¹⁶Siiga miťatsigiyťa, amatonꝓtaami.

¹⁷Jesic cuando yaj inꝓquímyaj jém pixinĩtam, tigiy Jesús jém ticjom. Jém icuyujciwiñ moj icwácyaj ři nimtooba jém aꝓmaťi. ¹⁸Jesic Jesús iníámáy jém icuyujciwiñ:

—¿Que mimichtam daťim inꝓcutiĩyiyťámpa? Que da inĩjodon iga jém tigiy páppic tum pixinĩ ijꝓjom da ictaꝓcaťyapa. ¹⁹Jém icúťpáppic tum pixinĩ da tigiyapa inanamajjom porque itumpiy naspa ipuujom y ocmi putpa.

Cuando nimpa yiĩmpic, nimtooba Jesús iga itumpiy wíccuy wĩ tanꝓcút, da tactaꝓcaťyapa. ²⁰Nimťim Jesús:

—Jém malopic jixi jém tsucumpáppic jém pixinĩ inanamajjom je numa ictaꝓcaťyapa.

²¹Porque jém pixinĩ inanamajjom tsucumpa itumpiy jém malopic jixi. Jenum tsucumpa jém jixi iga ichicpa jém yomtam, iga pejóyapa, iga accaóyapa, ²²iga númpa, iga icusúníyáypa tunꝓac pixinĩ imiichi, iga imalwadáypa tunꝓac pixinĩ, iga icumigóyapa itiwítam, iga tsam icusúníyapa jáyan malopic cosa, iga kujóyíyóyapa, iga icujiyapa itiwítam, iga da jixiřy, iga agui nacujiptap iyaac jém pixinĩ. ²³Itumpiy yípyaj malopic jixi tsucum jém pixinĩ inanamajjom. Yíp malopic jixi ictaꝓcaťyapa jém pixinĩ.

Tum jém juumipic yomo icupic Jesús
(Mt. 15:21-28)

²⁴Jesic nic Jesús jém naxyucmi nocojom de jém Tiro y Sidón. Jemigam tigiy Jesús tum ticjom iga odoy i iixiñ. Pero da wiaꝓ miyam porque ixťa. ²⁵Tum yomo mu imatonꝓ iga núc jém Jesús, jicsciy miñ, icosteeñáy jém Jesús ipuyciim. Miñ iám porque jém iyommanic imatsne tum mal espíritu. ²⁶Tum griegopic yomo, da je de Israel. Tsucum jém naxyucmi Sirofenicia. Jesic jém yomo icunucsáy Jesús iga itobáyĩ jém mal espíritu jém iyommanic inanamajjom. ²⁷Pero Jesús iníámáy jém yomo:

—Wĩ iga wiñĩ cuspa wiiquiyaj jém tsixťam. Da wĩ iga tantobáyáypa jém tsixťam icaxťanañi iga tanchiiba chimpa.

²⁸Jesic jém yomo icutson, iníámáy jém Jesús:

—Numa, mánOmi, pero jém chimpa icútyajpa jém ipaccanewiip jém tsixťam mesacuciim.

²⁹Jesic Jesús iníámáy jém yomo:

—Numa miwɨnim. Siip nicsim iñicciim. Jém iñyommanic ichacum jém mal espíritu.

³⁰Jesic cuando setum ificciim jém yomo, ipát iyommanic wone icheesmi. Ichacneum jém mal espíritu.

Jesús icpis tum chajca

³¹Jesic jém Jesús mojgacum seti, put jém naxyucmi de Tiro, nas jém Sidón, nastim jém naxyucmi iñiyi Decápolis, eybic núc jém laguna de Galilea. ³²Jesic namíñayta Jesús tum chajca iga icpixiñ. Dátim jaya wiap ijy. Cunucsayta iga iccámiñ ici jém chajca icobacyucmi. ³³Jesic Jesús ininíc jém pixiñ tum aņeymi. Icodáy iwayci jém pixiñ itatsicjom. Ocmi ichujca Jesús iwayci, ichigáy jém pixiñ itots. ³⁴Jesic ámquím Jesús siņyucmi, jejquet, iñímáy jém chajca:

—Efata.

Yíp aņmáti nimtooba: Aņaayi.

³⁵Jesic aņáyum jém chajca itatsic. Matóņópam. Wítsiyñeum jém itots. Wiabam ijy parejo. ³⁶Jesic iņquím Jesús jém pixiñtam iga odoy aņmadiñ iga icpis jém chajca. Pero aunque tsam pimi iņquímpa Jesús, mástím aņmatyajpa jém pixiñtam iga Jesús icpis jém chajca. ³⁷Tsam pimi ipooñanjamyajpa. Nimyaj:

—Yíp pixiñ tsam iwıwatpa.

Icmatóņópca jém chajca, icjyypa jém uma.

Jesús icwícpa cuatro mil pixiñtam

(Mt. 15:32-39)

8 Jesic jeetím tiempo aņtuumayaj tsam jáyan jém pixiñtam. Da iniıyay jém

iwícuy. Jesic Jesús iņwejay jém icuyujciwiñ. Iñímáy:

²—Tsam aņyaachanjampa jém pixiñtam jém aņtuumaneyajwiip yim. Tanwaganaiñ tucunajama y siip da ti iniıyay iga icútpa. ³Siiga aņcutsatpa ificmiyay sin wiıqui, jesic cupónaquetyajpa tunjom porque algunos miñneyaj tsam juumi.

⁴Jesic jém Jesús icuyujciwiñ icutsoņ, nimyaj:

—Yim jut taiñ da ti idíyfy. ¿Jutsap tampát wícuy iga tanacwícpa itumpiy yıpyay pixiñtam?

⁵Jesic Jesús icwác jém icuyujciwiñ. Nímáyta:

—¿Juten caxtánañi iniıfta?

Nimyajpa jém icuyujciwiñ:

—Siete.

⁶Jesic Jesús iñímáy jém aņtuumaneyajwiip iga coņyajiñ naxyucmi. Jesic ipic jém siete caxtánañi, iņwejpát Dios, moj iwenwenjac jém caxtánañi. Jesic ichi jém icuyujciwiñ iga icwıcyajiñ jém pixiñtam. Jempigam iwatyaj. ⁷Iniıyajtım jutēn xuxú tiipi. Jesic Jesús eybicim iņwejpát Dios. Ipiimý jém icuyujciwiñ iga ichiıyajiñtım jém tiipi jém pixiñtam. ⁸Jesic wıcyaj hasta cusyaj. Ocmi jém Jesús icuyujciwiñ ipiņyay jém wícuy jém cutsıywiip. Icucomyay siete nacoō. ⁹Ityaj jem como cuatro mil pixiñtam. Cuando yajum wiıquıyay, jesic Jesús iņquím jeeyaj.

¹⁰Jeetı rato tigiy Jesús tum barcojom con icuyujciwiñ. Nicıyay jém naxyucmi Dalmanuta.

Jém fariseoyaj iwácyajpa tum milagro

(Mt. 16:1-4; Lc. 12:54-56)

¹¹ Miñay jém maestroyaj de jém fariseopic anquímayooyi. Moj icwácyaj Jesús. Miñ icutítsyaj. Nímyajpa iga: “Anquejaayi tum siñyucmipic seña.” ¹² Jesic agui anyácne Jesús. Pimi jejquet. Nímpa: —¿Tiiga yípyaj pixiñtam awágáypa tum seña? Numa mannímáypa iga Dios da ichiiba ni tum seña.

¹³ Jesic Jesús ichac jém pixiñtam, eybic quím tum barcojom. Nic jém laguna anwiñtuc.

Jém fariseopic anquímayooyi jex juuts jém levadura

(Mt. 16:5-12)

¹⁴ Jesic jém Jesús icuyujciwiñ ijaamanotyaj iga ininicyajpa jém caxtánañi. No más tum caxtánañi iniityaj barcojom. ¹⁵ Jesic Jesús ipimíy jém icuyujciwiñ:

—Cuidado. Nawattamtaji cuenta iga odoy impiguñ jém fariseoyaj ilevadura o jém Herodes ilevadura.

¹⁶ Jesic moj nanímayyajtaji entre jeeyaj:

—Tanímáy jempic porque da tanamiñ jém caxtánañi.

¹⁷ Jesic Jesús icutiñyíy tí síp ijisyaj, iñímáy:

—¿Tiiga miñimtámpa iga da iniñta jém caxtánañi? ¿Que da incutiñiyíyá? ¿Que da mijixiñyíyá? ¿Que tsam malotim iñanama? ¹⁸ Miixcuyíyá, ¿que da miixixoyítámpa? Míatsigíyá, ¿que da mimatónoyítámpa? ¿Que da iñjístámpa cuando ¹⁹ mu anwéc jém

cinco caxtánañi con jém cinco mil pixiñtam? ¿Juna cooj impiñta jém cutsíywíppic?

Jesic jém icuyujciwiñ icutsonyay. Nímyaj:

—Doce.

²⁰ Jesic nímtim Jesús:

—Cuando mu anwéc jém siete caxtánañi con jém cuatro mil pixiñtam, ¿jesic juna cooj impiñta jém cutsíywíppic?

Jesic nímyaj icuyujciwiñ:

—Siete.

²¹ Jesic Jesús iñímáy jém icuyujciwiñ:

—¿Que mimichítam danam incutiñiyíñeta?

Jesús icpis tum cáchti jém atebet Betsaida

²² Ocmi nicyaj Jesús con icuyujciwiñ jém atebet Betsaida. Mu iñúcyaj jém, algunos inimíñayyaj jém Jesús tum cáchti. Icnucsayyaj jém Jesús iga ichiguñ jém cáchti. ²³ Jesic Jesús imatsáy jém cáchti ici, ijictēñ anšicmi de jém tiganjoj. Jesic Jesús iccámáy uxaj ichuyñi jém pixiñ iixcuyucmi. Iccámáy ici jém pixiñ icobacyucmi. Jesic icwác jém cáchti. Nímayta:

—¿Siip miixixóypam?

²⁴ Jesic jém cáchti ámquím.

Iñímáy jém Jesús:

—Ánixpa jém pixiñtam quenam cuyyaj, pero wityajpa.

²⁵ Jesic Jesús eybicim iccámáypa ici jém pixiñ iixcuyucmi, ipimíy iga ichiñiñ iixcuy. Jesic wítsíyum jém iixcuy, wí ixixóypam. ²⁶ Jesic Jesús iñímáy jém cáchtipic idic:

—Siip nicsim iñicmi. Odoy nasi yíp tiganjoj. Odoy i anmadaayi iga manacpis.

**Nimpa jém Peto iga Jesús je jém
Cristo**

(Mt. 16:13-20; Lc. 9:18-21)

²⁷ Jesic nicyaj Jesús con icuyujciwiñ jém tiganjojay jém ífyajwiip nocojom jém attebet Cesarea de Filipino. Iganam nicyajpa tunjom, jém Jesús icwácpa jém icuyujciwiñ. Nimpa:

—Anímaayi junimyajpa jém pixiñtam iga ajapaap aich.

²⁸ Jesic icutsoņay jém icuyujciwiñ. Nimyajpa:

—Algunos nimpa iga mich miXiwán jém acchíņoypaap. Tunġac nimpa iga mich miElías. Tunġac nimpa iga mich tum wiñicpic miprofeta.

²⁹ Jesic Jesús icwác jém icuyujciwiñ. Nímayyajtá:

—¿Mimichám, mijunimtámpa iga ajapaap?

Jesic jém Peto icutsoņ. Inímáy:

—Mich miCristo.

³⁰ Jesic Jesús ipiimíy jém icuyujciwiñ iga odoy i inmadayajiñ iga je jém Cristo.

Jesús inmatpa iga accaatá

(Mt. 16:21-28; Lc. 9:22-27)

³¹ Jesic moj inquejáy Jesús jém icuyujciwiñ iga jém Miññewiip Sinyucmi tsam pimi yaachwattá. Tsam ijóyixyajpa jém wiđaytam, jém cobacpic panijyaj y jém escribaspic maestroyaj. Ocmi accaatá, pero jém tucunajama Dios icpíspa.

³² Inuntawianmadáy Jesús jém icuyujciwiñ. Pero jém Peto dá iwianjam, inwejput Jesús, moj iwogáy. ³³ Jesic jém Jesús

iamseedáy jém icuyujciwiñ, iwogáy jém Peto. Nimpa:

—MiPeto, acupóyaayi miWocciwiñ.

Mich dá inii jém Dios ijixi inñixianjom. Inii jém pixiñtam ijixi.

³⁴ Jesic Jesús inwejáy jém icuyujciwiñ con ítumpiy jém antuumaneyajwiip jem. Moj inquejáy. Nímayyajtá:

—Siiga i atúnįytooba, tsaci iga inwatpa juuts inxunpa inyaac, yaachiyi cuando miyaachwattá ich ancyucmi, jesic atúnįyi. ³⁵ Siiga tum pixiñ tsam ífoypa ivida iga ítpa yíp naxyucmi, jesic togoypa jém ivida. Pero siiga accaatá tum pixiñ ich ancyucmi iga iwatpa juuts nimpa ich anaņmáti, jesic jém pixiñ dá togoypa ivida, ítpa para siempre.

³⁶ Dá ti cuwacuy tum pixiñ siiga inii ítumpiy jém wibic cosa jém ítwiip yíp naxyucmi y togoypa inama.

³⁷ ¿Con jutsaņ tumiñ wiap iyoj tum pixiñ iga ipictsoņpa eybic jém inama cuando caaneum? ³⁸ Siiga michaap iga ininmatpa ich anaņmáti y siiga mich antsaaxpa, jesic ichgacti, jém amíññewiip Sinyucmi, mantsaaxpatim cuando amiņgacpa yíp naxyucmi con anJatuņ Dios ipimi y con jém sinyucmicpic pixiñtam.

9 Jesic nimtim Jesús:

—Numa manímáypa iga algunos de mimichám miífañwiip yim, dá micaaba hasta que inixfámpa iga núcpa jém tiempo cuando Dios injacpa jém pixiñtam con ipimi.

Anġac jém Jesús iámooyi

(Mt. 17:1-13; Lc. 9:28-36)

² Jesic cuando nasum seis día, Jesús ininic jém Peto, Jacobo, y

Xiwan tum mijpic cotsicyucmi. Icutum nicyaj. Jemum iixyaj iga aɲcac jém Jesús iámooyi. ³Agui tsocha ipuctucu. Tsam pimi popo juuts nieve. Icuwií yíp naxyucmi dá i wiap iche jém puctucu jutspiy ipopo jém Jesús ipuctucu. ⁴Jesic jém Jesús icuyujciwiñ iixyaj iga wiñquej wisten jém wiñcpic Dios iɲmañciwiñ jém Elías y jém Moisés. Síp iɲmatyaj con Jesús. ⁵Jesic jém Peto iñímáy jém Jesús:

—Mammaestro, agui wi iga taiítámpa yim. Siip maɲwadaytámpa tucuten nacxíc. Tum para mimich, tum para Moisés y tum para Elías.

⁶Jempic nimpá jém Peto porque dá icutiíyápa tí nimpá porque tsam pimi ciɲneyaj jém Jesús icuyujciwiñ. ⁷Jesic actiɲ tum ucsi. Iɲmontogoyaj jém ucsi. Jesic imatorɲaj tum jiyi jém ucsaɲjom. Nímayyajta:

—Yíbam ich ammanic, tsam antoypa. Matonɲtaami tí miñímáypa.

⁸Jesic jeetí rato ámámóyapa jutquej jém icuyujciwiñ. Dá iixyaj ni tum pxiñ. Icutum íf jém Jesús con jeeyaj.

⁹Iganam quetyajpa jém cotsicyucmi, Jesús inquímpa jém icuyujciwiñ iga odoy i iɲmadáyíñ tí iixyaj jém cotsicyucmi hasta que jém Miññewiip Siɲyucmi píspa de jut íf jém caaneyajwiip. ¹⁰Jesic dá iɲmatyajpa jém Jesús icuyujciwiñ tí iixyaj, pero nacwácyajtámpa entre jeeyaj tí nimtooba Jesús cuando nimpá iga píspa de jut íf jém caaneyajwiip. ¹¹Jesic acwáctá jém Jesús, nímaytámpa:

—¿Tíiga nímajpa jém escribaspic maestroyaj iga wiñti miñpa jém Elías?

¹²Jesic Jesús icutson, iñímáy:
—Núma, wiñti miñpa jém Elías iga iwítsacpa itumpiy cosa. Nimtim jém Dios iɲmañi, jém jayñewiip, iga tsam yaachwattámpa, tsam jóyixtámpa jém Miññewiip Siɲyucmi. ¹³Siip mannímáypa iga núcneum jém Elías y jém pixiñtam tsam imalwadayyaj juuts ixunyajpa jeeyaj. Iñasca jém Elías juuts nimpá jém Dios iɲmañi jém jayñewiip.

Acpišta tum jaychixi jém imatsnewiip jém mal espíritu

(Mt. 17:14-21; Lc. 9:37-43)

¹⁴Jesic setyaj jut íf los de más jém Jesús icuyujciwiñ. Iixyaj iga tsam jáyaɲ pixiñtam iɲtuumacayajpa jeeyaj. Jém escribaspic maestroyaj áɲayajpa con icuyujciwiñ. ¹⁵Jesic jém pixiñtam, mu iixyaj iga miñpa Jesús, tsam ipooñajjamyajpa. Jeetí rato itumpiy de jeeyaj póyaɲtsucumyaj, nic ichonɲaj.

¹⁶Jesic Jesús icwácpa jém icuyujciwiñ. Nímayyajta:

—¿Tí síp iniñacata con jém escribaspic maestroyaj?

¹⁷Jesic tum pxiñ, jém ítwiip jem, iñímáy jém Jesús:

—Maestro, mannimíñáy jém anjaymanic. Iniiť tum mal espíritu. Iumawatne. ¹⁸Cuando pimi imatspa jém mal espíritu iccutiɲpa naxyucmi. Aɲxacamoypa ijip, inichpa ííts. Jeeyucmi tsam flaco jém ammanic. Annímáy jém iɲcuyujciwiñ iga ítóbáyíñ jém mal espíritu, pero jeeyaj dá wiá mitóbayyaj.

¹⁹Jesic Jesús iñímáy jém pixiñtam:
—A que mimichíam hasta siip dá iɲcupictámpa Dios. Jáyum

tawagaíti con mimichám, pero dátim inçupictámpa. Tsám anyaachíyum iga manañquejáypa jém Dios inmaí, pero dátim inçutiíyiytámpa. Anamíñaayi jém tsíxi.

²⁰Jesic inimíñayyaj Jesús jém tsíxi. Cuando jém mal espíritu iix jém Jesús, jeefi rato eybicím imats jém jaychíxi. Actiñ naxyucmi, tsám cujoppa, aḡxacamoypa ijip. ²¹Jesic Jesús inílmáy jém tsíxi ijatuj:

—¿Juchixam moj imats yíp caacuy?

Nimpa jém tsíxi ijatuj:

—Moj imats dende xutunam.

²²Wałciy iccutiñpa juctjom o niiciim iga iccaaba. Siiga wiap inicpis, ayaachañjami aichám, ayoxpaati.

²³Jesic Jesús inílmáy jém pixiñ:

—Siiga mich wiap inçupic iga Dios miyoxpátpa, jesic ich awiwap. Porque Dios wiap iwat itumpiy cosa para jém icupicneyajwiip.

²⁴Mu imatoñ jém pixiñ ti inílmáy Jesús, jesic pimi jiyja. Nimpa:

—Aḡcupicpa iga Dios wiap iwat. Ayoxpaati iga más parejo aḡcupicpa.

²⁵Jesic Jesús iix iga tsám aḡtuumayajpa jém pixiñtam. Miñajpa poyimi. Jesic Jesús iwogáypa jém mal espíritu. Nímayta:

—Mich mimalespíritu, inçhajcawatne yíp tsíxi, inçumawatne, siip mannímáypa, puti yíp tsíxi inamanjjom. Odoj tigiyyi eybic.

²⁶Jesic pimi aḡwejpá jém mal espíritu, eybic iccutiñpa naxyucmi jém tsíxi. Jesic jeefi rato put jém mal espíritu. Tsíy jém tsíxi juuts

caane. Hasta nimyajpa waíti jém pixiñtam iga caaneum. ²⁷Pero Jesús imatsáy ici, ijicstucum. Jesic teñum jém tsíxi. ²⁸Ocmi tigiyy Jesús tum ticjom. Jém icuyujciwiñ iyámacwácyajpa:

—¿Tiiiga aichám da wiap antopta jém mal espíritu?

²⁹Jesic Jesús inílmáy jeeyaj:

—Da wiap inñtopta yicxpíc mal espíritu siiga da iniñwejpáttámpa Dios y siiga da inçwattámpa ayuno.

Eybicím inçmatpa Jesús iga accaataḡ

(Mt. 17:22-23; Lc. 9:43-45)

³⁰Jesic Jesús con icuyujciwiñ putyaj jém tiganjoj. Moj niquiyaj. Widañnasyajpa jém naxyucmi de Galilea. Da iwianjam Jesús iga ijodónayajiñ jém pixiñtam juł nicpa.

³¹Porque inçmadáy jém icuyujciwiñ ti inñascaaba. Nimpa Jesús:

—Ich, jém aMiññewiip Siñyucmi, aciñjuncottap jém malopic pixiñtam iciñjom. Accaayajpa jém pixiñtam, pero ocmi jém tucunajama acpištap.

³²Pero jém icuyujciwiñ da icutiíyiyajpa ti nimpa Jesús. Tsám ciñyajpa iga icwácyajpa.

I jém más mijpic aḡjagooyi

(Mt. 18:1-5; Lc. 9:46-48)

³³Ocmi núcyajum jém attebet Capernaum. Cuando tigiyyaj jém ticjom, Jesús icwác jém icuyujciwiñ. Nímayajta:

—¿Ti síp inçacata tunjom?

³⁴Jesic dam jiyaj porque tsám aḡañeyaj tunjom iga i tsíypa juuts jém más mijpic aḡjagooyi. ³⁵Jesic coñ jém Jesús, inçwejay jém doce icuyujciwiñ, moj inílmáy:

—Siiga i tsíyfooba juuts jém más mijpic anjagooyi, jesic tsíypa juuts jém inajpic pìxiñ, icuyoxap jém ífíwítam juuts tum mozo.

³⁶Ocmi Jesús inwejay tum xútu tsíxi jém icuyujciwiñ iwiñjom. Inuuspac Jesús jém xútu tsíxi. Inímáy jém icuyujciwiñ:

³⁷—Siiga tum pìxiñ iwipictsonpa tum xútu tsíxi ich anniyimi, jesic jém pìxiñ awipictsonpatim aich. Y siiga awipictsonpa aich, jesic wipictsonpatim jém anjatuj Dios jém acutsatnewiip yíp naxyucmi.

**Jém dápic íf en contra de taichfam,
je tayoxpátpa**

(Mt. 10:42; Lc. 9:49-50)

³⁸Jesic Xiwan inímáy jém Jesús: —Mammaestro, ánixñeta tum pìxiñ iga ítoppa jém mal espíritu mich iniyimi. Jesic aichfam ananjyijacta porque jém pìxiñ dá siiba con taichfam.

³⁹Jesic Jesús inímáy jém icuyujciwiñ:

—Odoy anjyijactaami porque siiga tum pìxiñ iwatpa tum mijpic milagro ich anniyimi, jesic dá jobit wíap amalnímáy. ⁴⁰Jém dápic íf en contra de taichfam, tayoxpátpa.

⁴¹Siiga i michiiba tum taza ni ich anniyimi porque mich jém Cristo mimichi, numa mannímáypa iga wiyojtap jém pìxiñ.

**Jém tánca wíap tactsac jém Dios
inmají**

(Mt. 18:6-9; Lc. 17:1-2)

⁴²Siiga i icwatpa tánca tum pìxiñ jém yaguiñpic acupicpa aich, jesic chiifap mijpic castigo jém pìxiñ. Más wí iga

cutsénayfaiñ tum mijpic molino icha iisciyucmi y acpatsiyfaiñ lamar. ⁴³Jesic siiga inçi micwatpa tánca y mictsacpa jém Dios inmají, jesic jací jém inçi. Más wí iga mifigiypa juí íf Dios con tum inçi que iga con icuistic inçi mininictap jém juctjom juí dá nunca píchpa, juí ipictsonyajpa jém castigo. ⁴⁴Juí dá nunca caayajpa jém tsuuquiñ, juí dá nunca píchpa jém jucti.

⁴⁵Siiga impuy micwatpa tánca hasta mictsacpa jém Dios inmají, jesic jací jém impuy. Más wí iga mifigiypa juí íf Dios con tum impuy que iga con icuistic impuy mininictap jém juctjom juí dá nunca píchpa, juí ipictsonyajpa jém castigo, ⁴⁶juí dá caayajpa jém tsuuquiñ, juí dá nunca píchpa jém jucti. ⁴⁷Siiga tum inixcuy micwatpa tánca hasta mictsacpa jém Dios inmají, jesic topi jém inixcuy, patsaayi. Más wí iga mifigiypa con tum inixcuy juí injacpa Dios que iga con icuistic inixcuy micnictap jém juctjom juí ipictsonyajpa jém castigo. ⁴⁸Juí dá nunca caayajpa jém tsuuquiñ, juí dá nunca píchpa jém jucti.

⁴⁹Porque ífumpiy canaiytap con jucti. Ífumpiy jém sacrificio codaytap jém cana.

⁵⁰Wí jém cana, tsam tayoxpátpa. Pero siiga jém cana misap, togoypa ipaac, jesic dam para tí wí. Jém wibic jixi jex juuts jém cana. Naiítaami jém wibic jixi inanamajjom. Odoy áñataami con jém iníwítam, nawinanihayfamtaji.

Da wí iga ichacpa iyomo tum pìxiñ

(Mt. 19:1-12; Lc. 16:18)

10 Jesic put Jesús jém atbetet Capernaum. Nic jém naxyucmi Judea. Jac hasta jém ni anjwiñtuc jém río de Jordán. Eybictim anjuumayajpa tsam jáyan jém pìxiñtam. Miñ iámyaj jém Jesús. Jesic eybíc inquejáy jém pìxiñtam jém Dios inmatí juuts iwatpa siempre. ²Jesic miñyaj algunos jém fariseoyaj, icunúcyajpa Jesús. Icutítsyajtooba. Jeeyucmi icwácpa, nímaytáp:

—¿Que wí iga tum pìxiñ ichacpa iyomo?

³Icutsoñ Jesús. Nímpa:

—¿Junímpa jém anjuímayooyi jém michiñewiip jém Moisés?

⁴Nímyajpa jém pìxiñtam:

—Jém Moisés injuímayooyi ijícpa iga tum pìxiñ wiap ictsucum tum acta iga ichacpa iyomo.

⁵Jesic Jesús inímáy jém fariseoyaj:

—Yípyaj Israelpíc pìxiñtam tsam maloyaj ianama jeeyucmi ijaychac yíp anjuímayooyi jém Moisés.

⁶Pero wiñigam cuando Dios iwat ítumpiy cosa, iwat tum pìxiñ y tum iyomo. ⁷Jeeyucmi jém pìxiñ ichacpa ijatun y iapa iga nicpa iwaganaiñ iyomo. ⁸Icuistic tsýpa tumtí mijtáy. Jeeyucmi dá tsýpa iga wisten. Tumtí imijtáy. ⁹Jesic siiga Dios iwat iga tum pìxiñ wagaítayajpa con iyomo, wí iga seguido wagaítayajñ. Da wí iga tum pìxiñ ichacpa iyomo.

¹⁰Jesic cuando tigiyay jém ticjom jém Jesús icuyujciwiñ, eybictim icwácyajpa tí nimtooba

jém anjuímayooyi. ¹¹Jesic Jesús inímáy:

—Siiga tum pìxiñ ichacpa jém iyomo y ipícpa tungac yomo, jesic pejóypa jém pìxiñ. Ipejpa jém iyomo jém wiñtipíc. ¹²Siiga tum yomo ichacpa jém iwídaya y ipícpa tungac pìxiñ, jesic pejóypatim jém yomo.

Jesús ichiiba bendición jém tsixtam

(Mt. 19:13-15; Lc. 18:15-17)

¹³Jesic namíñaytá Jesús xuxuf tsixtam iga ichiñ bendición. Pero jém icuyujciwiñ iwogayyaj jém inimiñneyajwiip jém tsixtam.

¹⁴Jesic pími jóy jém Jesús cuando iix tí iwat jém icuyujciwiñ. Inímáy:

—Jígaytaami iga míñiñ aámyaj yíp tsixtam. Odoy anjyijaci porque jém tigiyajpaap juí injacpa Dios jex juuts jém tsixtam. ¹⁵Numa mannímáypa siiga dá injícpa iga miñjacpa Dios juuts tum xutu tsixi, jesic dá wiap inñigiy juí injacpa Dios.

¹⁶Jesic Jesús inuuspacpa jém tsixtam. Iccámáy ici icobacyucmi, ichi bendición.

Tum pìxiñ tsam rico ininmatpa Jesús

(Mt. 19:16-30; Lc. 18:18-30)

¹⁷Jesic tum jama mojegacum niqui Jesús. Jeetí rato miñ poyimi tum pìxiñ, icosteeñáy jém Jesús iwiñjom. Acwágóypa jém pìxiñ. Nímaytá Jesús:

—Agui wibic miMaestro, ¿tí wiap anjwat iga ampictsoñpa jém vida jém dápic cuyajpa?

¹⁸Jesic Jesús inímáy jém pìxiñ:

—¿Tíiga miñímpa iga ich awí? Íf tum jém wibic, je jém tanjatun

Dios. ¹⁹Mich in̄jodoŋ jém Dios in̄químayooyi. N̄impa: “Odoy accaooyi, odoy pejooyi, odoy nuumi, odoy cumigooyi in̄t̄iwitam, odoy migóyaayi t̄um jém in̄t̄iwi iga in̄númáypa t̄ítam iniit̄, naidaayi respeto jém in̄jatun̄ y jém in̄apa.”

²⁰Jesic jém p̄ixiñ in̄ímáy jém Jesús: —Maestro, ich jempigam aŋwatne it̄umpiy dende ats̄ixiñam.

²¹Jesic Jesús iámmats jém p̄ixiñ, tsam p̄imi it̄oypa. In̄ímáy:

—No más t̄um cosa mitogóyáy.

Cumáyaayi it̄umpiy jém iniit̄wiip, chi jém tumiñ jém yaachayapáppic, jesic iniit̄ jáyaŋ jém wibic riqueza siŋyucmi. Jiici iga miyaachwattap, atúñiyi.

²²Mu imatoŋ t̄i in̄ímáy jém Jesús, nic jém p̄ixiñ. P̄imi aŋyác porque tsam p̄imi rico.

²³Jesic Jesús iámaŋpoy jém it̄yajwiip, in̄ímáy jém icuyujciwiñ:

—Tsam t̄aŋca iga t̄um ricopic p̄ixiñ núcpa juť in̄jacpa Dios.

²⁴Jém icuyujciwiñ agui ipooñaŋjamyajpa t̄i n̄impa jém Jesús. Jesic eybict̄im n̄impa jém Jesús:

—Mammanictam, tsam p̄imi t̄aŋca iga núcyajpa juť in̄jacpa Dios jém tsampic it̄oypa it̄umiñ. ²⁵Más dá t̄aŋca iga n̄aspa t̄um camello t̄um n̄uncuypac ijosjom̄ que iga tigiypa t̄um rico juť in̄jacpa Dios.

²⁶Jesic p̄imi ichigaŋjécay jém Jesús icuyujciwiñ. Moj nacwácayajtaji entre jeeyaj. N̄imyaj:

—¿Jesic i wiap iciiput?

²⁷Jesic Jesús iámmats jém icuyujciwiñ, in̄ímáy:

—N̄uma, jém p̄ixiñtam dá wiap iwat, pero Dios wiap porque je wiap iwat it̄umpiy cosa.

²⁸Jesic jém Peto moj in̄jmat Jesús. N̄ímayfa:

—MánOmi, aichfam antsacnetámum it̄umpiy jém anaítwiip idic iga nicpa mantúŋy.

²⁹Jesic Jesús in̄ímáy jém icuyujciwiñ:

—N̄uma mannímáypa, siiga i ichacpa it̄ic, it̄iwitam, iapa, ijatun̄, iyomo, ichixtam, o in̄as ich aŋcuyucmi iga in̄matpa jém wibic aŋmaťi, jesic Dios iwiyoypa.

³⁰Jesic yípt̄im naxyucmi Dios icseedáypa más jáyaŋ cosa que jém ichacneyajwiip jém it̄ic, it̄iwitam, iapa, ichixtam, o in̄as. Pero tsam yaachwattap̄tim yíp naxyucmi. Jesic ocmi cuando núcpa juť it̄ Dios, iniit̄um jém vida jém dápic cuyajpa.

³¹Wati jém aŋjagoypáppic ts̄itypa tuuñiaŋciim, jém tuuñiaŋciimpic, aŋjagóypa in̄ic.

Tucciy in̄matpa Jesús iga accaatap

(Mt. 20:17-19; Lc. 18:31-34)

³²Nicyajpa Jerusalén Jesús con icuyujciwiñ. Jém Jesús aŋjagoyñe in̄ic, jém icuyujciwiñ miñyajpa it̄uuñiaŋciim. Tsam ciŋneyaj. Tsam ipooñaŋjamyajpa iga nicpa Jesús Jerusalén. Jesic eybic in̄wejput jém doce icuyujciwiñ, moj in̄madáy t̄ítam in̄ascaaba Jerusalén. ³³N̄impa Jesús:

—Maton̄taami. Siip tanictámpa Jerusalén. Ich jém aMiññewiip Siŋyucmi aciijuŋcottap jém cobacpic paŋij iciijom̄ y jém escribaspic maestroyaj iciijom̄. Jeeyaj achiiba miŋpic castigo. Ocmi ijisyajpa jutsap accaayaj. Aciijuŋcottap jém tuŋgac p̄ixiñtam iciijom̄ jém dápic je de Israel.

³⁴ Jeeyaj axiccayajpa, atsujcayajpa, pimi acótsyajpa. Accaayajpa. Pero jem tucunajama apispa de juł íf jem caaneyajwiip.

Jém Jacobo y Xiwan iwácayajpa tum favor

(Mt. 20:20-28)

³⁵ Jesic ocmi jem Jacobo y jem Xiwan, jem Zebedeo imanictam, icunúcyaj Jesús. Inímayajpa:

—Miccuuyoypaap, awadaytaami tum favor.

³⁶ Jesic Jesús inímay jem wisten: —¿Ti inxunpa iga manwadaytampa?

³⁷ Jeeyaj nimyaj: —Cuando núcpa jem tiempo iga ininjacpa yíp naxyucmi con Dios ipimi, achiítaami derecho iga nicpa acoñi tum ininjwimi y tum ininjaymi.

³⁸ Pero Jesús inímay jem wisten: —Michám da injodonjam tí anwágaytampa. ¿Que mich inyaachýpa iga miyaachwattap juuts aich ayaachwattap? ¿Que wiap ínuc jem copa jem ichpic ánuropa? ¿Que wiaptim micchintamta juuts ich acchintap?

³⁹ Jesic jem wisten inímay jem Jesús:

—Awiqtampa.

Jesic Jesús inímay:

—Numa, mimichám miyaachwattamtapim juuts aich. Inuctampa jem copa jem ichpic ánuropa. Micchintamtapim juuts aich acchintap. ⁴⁰ Pero ich da wiap manchi derecho iga nicpa micõni tum ananjwimi y tum ananjaymi. Jém anjatuj Dios ichiiba derecho jem icupiñeyajwiip.

⁴¹ Jesic cuando imatonyaj los de más jem Jesús icuyujciwiñ, jem diezpic, tsam ijóyixyajpa jem Jacobo y Xiwan. ⁴² Jesic Jesús injwejay itumpiy jem icuyujciwiñ. Inímay:

—Michám inwjodonj iga jem juumipic pixiñtam injagooyiyaj tsam ipimíypa jem ipixiñtam. Jém más mijpic anjagooyi más pimi ipimíypa jem ipixiñtam. ⁴³ Pero mimichám da injwattampa jempic. Siiga mijpic minjagooyi, injcuyoxap jem iníwítam. ⁴⁴ Jém más mijpic ininjagooyi micuyoxap juuts tum esclavo. ⁴⁵ Wattaamitim juuts aich. Amiñ sinyucmi iga anjuyoxap jem ityajwiip yíp naxyucmi. Ich da amiñ iga acuyoxayajiñ jeeyaj. Ich amiñ iga anchiiba amvida iga anyojáypa jáyan jem pixiñtam itañca.

Jesús ictojáy jem Bartimeo iixcuy

(Mt. 20:29-34; Lc. 18:35-43)

⁴⁶ Ocmi núcyaj jem atebet Jericó. Jesic cuando putyajpa jem Jericó jem Jesús con icuyujciwiñ iwagananicyajpa jáyan jem pixiñtam. Jemum coñ tunajñaca tum cáchti iníyi Bartimeo jem Timeo imaníc. Iwácpa tumiñ.

⁴⁷ Jesic cuando jem cáchti imatonj iga naspa Jesús jem Nazaretpic, jesic pimi jiyapa jem cáchti. Nimpa: —Jesús, jem rey David mimanic, ayaachanjami.

⁴⁸ Jém itúnjyyajpaap Jesús iwogayyajpa jem cáchti iga odoy jíyiñ. Pero más pimi jiyapa jem cáchti. Nimpa:

—Jém rey David mimanic, ayaachanjami.

⁴⁹Jesic teeñanjac Jesús. Inñímáy jém ityajwiip:

—Añwejaayi jém pixiñ.

Jesic jeeyaj inwejayay jém cáchti. Nímáyta:

—Maymáayi. Tsucumi, porque síp miñwejáy jém tamMaestro.

⁵⁰Jesic jém cáchti ipatsquet naxyucmi jém icapa de lana, jicsciy tsucum, nic íám jém Jesús. ⁵¹Jesic Jesús inñímáy jém cáchti:

—¿Tí inñunpa iga manwadáypa?

Jesic jém cáchti icutsoñ. Nímpa:

—MamMaestro, ansunpa iga actojaayi ánixcuy.

⁵²Jesic Jesús inñímáy jém cáchti: —Siip nicsim. Tsam inçupicne iga Dios wiap miyoxpát, jeeyucmi mipisneum.

Jesic jeeti rato toj iixcuy jém cáchti, mojum itúñy jém Jesús juñ nicipa.

Tigiy Jesús Jerusalén juuts tum anjagooyi

(Mt. 21:1-11; Lc. 19:28-40; Jn. 12:12-19)

11 Jesic núcyajpa nocojom jém Jerusalén tomi juñ it jém wisten tiganjoj jém Betfagé y jém Betania, cotsic aññaca, jém cotsic inñyi Olivos. Jesic Jesús icutsat wisten jém icuyuciiwiñ tum tiganjoj nocojom. ²Inñímáy jeeyaj:

—Nictaami jém tiganjoj jeexpic í. Cuando miñúctampa jem, impáttampa tum mañburro tsenne. Da i queman iquímca jém burro. Wiji, anamíñaaayi. ³Siiga i miñímáypa iga tíiga inwijpa jém burro, jesic nímaayi: “Jém tánOmi ixunpa. Da jáypa micseedáy.”

⁴Jesic nicyaj jém wisten. Ipátayaj tum mañburro tsenne calle tum

puerta aññaca. Iwijay. ⁵Jesic jém ityajwiip jem inñimayyay jém Jesús icuyuciiwiñ:

—¿Tí inwatpa? ¿Tíiga inwijpa jém burro?

⁶Jesic jém icuyuciiwiñ icutsoñyay jém ityajwiip juuts inñímáy jém Jesús. Jesic ichi lado iga ininiguñ jém burro. ⁷Jesic ininigayyay Jesús jém burro, icutógayyay jém burro con iyootí. Jesús iquímca.

⁸Wañi jém pixiñtam itócyay iyootí tunjom juñ wítpa jém burro. Tunyac itúcyay jém cuy inçis y jém ay iga itócyajpatim tunjom.

⁹Algunos jém pixiñtam añjagoñeyay inñic y algunos nicyajpa tuññaññim. Pimi añweyaypa. Nímayajpa:

—iHosanna! Agui wi jém tanJatun Dios. Tançujíptampañim yíp tanañjagooyi jém tacutsadayñewiip Dios. ¹⁰Agui wi yíp tanañjagooyi. Miñpa injac tannación juuts jém wiñicpic rey jém David. iHosanna! Agui wi jém tanJatun Dios jém itwiip siñyucmi.

¹¹Jesic núc Jerusalén jém Jesús. Tigiy jém mijpic masticjom, íám itumpiy cosa jém ityajwiip jem. Ocmi nic tsiyyiyaj Betania jém Jesús con jém doce icuyuciiwiñ porque tsuuyim.

Jesús imalnímáy jém tsuj iga da tímame

(Mt. 21:18-19)

¹²Jesic icuquejama cuando put Jesús jém Betania, tsam yuap.

¹³Jesic juumi iix Jesús tum tsuj tsam áyíy. Jesic nic icuámáy jém tsuj íim. Pero da ipadáy jém íim no más í jém iay porque da itiempo

iga tiimap. ¹⁴Jesic Jesús inínmáy jém tsuj:

—Ich mannímáypa iga dá nunca i micudáypa jém inítm.

Jém icuyujciwiñ imatonyaj tí nimpá Jesús.

Jesús iquebacputpa jém máymáyoyppápic jém mijpic masticjom

(Mt. 21:12-17; Lc. 19:45-48; Jn. 2:13-22)

¹⁵Jesic ocmi nicyaj Jerusalén.

Eybic tigiy Jesús jém mijpic masticjom. Moj iquepquebacput jém máymáyoyajpaap y jém juyjúyoyajpaap jém mijpic masticjom. Jesús ichiputseedáy jém imesayaj jém icucacyajpaap tumiñ. Imutsmutsseedáy jém iconcuyay jém imáyajpaap cuucu. ¹⁶Dátm ijícpa Jesús iga i ininícpa algun carga jém mijpic masticjom. ¹⁷Jesic Jesús moj inquejáy jém pixiñtam. Nímayyajtá:

—Jaychacnetawum jém Dios inmáti: “Ich antic juñ iwatyajpa oración. Je para itumpiy jém pixiñtam.” Pero michítam impicneta yíp antic juuts tum mercado, tsam it jém númyajpaap.

¹⁸Jém cobacpic panijyaj con jém escribaspic maestroyaj imatonyaj tí nimpá jém Jesús. Moj ijísyay jutsap iccaayaj. Jém anjagooyiyaj icinijajpa jém Jesús porque itumpiy jém pixiñtam tsam ipooñanjamyajpa cuando imatonyaj jém wibic inquímayooyi. ¹⁹Jesic tsuánjam putyaj Jerusalén jém Jesús con icuyujciwiñ.

Titsneum jém tsuj

(Mt. 21:20-22)

²⁰Jesic icuquejama cuando nigacpa Jesús Jerusalén, nasyajpa

juñ it jém tsuj. Iixyay iga titsneum jém tsuj hasta ifichicyucmi. ²¹Jém Peto ijís iga imalnímáy Jesús jém tsuj, jesic inínmáy:

—MamMaestro, aami jém tsuj jém immalnímáyñewiip. Siip titsneum.

²²Jesic Jesús inínmáy jém icuyujciwiñ:

—Cupictaami iga tsam wiap jém tanJatuj Dios. ²³Numa mannímáypa, siiga i inínmáypa yíp cotsic iga: “Caayi de yim, nigí miniccámtaji lamar”, jesic tienes que miwadáypa Dios juuts inwágáypa siiga dá iniñi duda y inçupicpa inanamajjom iga Dios wiap miyoxpát. ²⁴Jeeyucmi mannímáypa iga cuando inwattámpa oración iga inwágáypa Dios algun tí, siiga inçupicpa iga impictsonjpa, jesic Dios michiiba. ²⁵Cuando ininwejpáttámpa Dios, wiñti wadaytaami perdón siiga i mimalwadáy. Jesic jém tanJatuj Dios, jém itwiip sinjyucmi, miwadaytámpatim perdón mimichítam itumpiy jém iníñtá. ²⁶Siiga dá inwadáypa perdón jém mimalwadayñewiip, jesic jém tanJatuj Dios jém itwiip sinjyucmi dátm miwadáypa perdón mimichítam iníñtá.

Acwáctá Jesús juñ ipic jém autoridad

(Mt. 21:23-27; Lc. 20:1-8)

²⁷Jesic eybicítim nic Jesús Jerusalén con icuyujciwiñ. Cuando siiba Jesús jém mijpic masticjom, miñyay jém cobacpic panijyaj con jém escribaspic maestroyaj y jém wídaytam. Icuñcyaj jém Jesús. ²⁸Jesic jeeyaj icwácyaj jém Jesús. Nímaytá:

—¿I micutsat iga iŋwatpa juuts mich síp iŋwat? ¿I michi jém impimi?

²⁹Jesic Jesús inínmáy jeeyaj:

—Siip manacwácpaŋim tum cosa. Siiga wiap aŋcutsonta, jesic ichgam mannímáypa i achi jém pimi iga aŋwatpa juuts síp aŋwat. ³⁰Anímaytaami, ¿i ichi ipimi jém Xiwan iga acchíŋóypa? ¿Que Dios ichi jém ipimi o pixiní ichi?

³¹Jesic jém aŋjagooyiyaj moj nacwácyajtaji entre jeeyaj. Nanímayyajta:

—Siiga tannímáypa iga Dios icutsat jém Xiwan, jesic tanímáypa iga: “¿Tiiga da iŋcupictámpa?”

³²Pero siiga tannímáypa iga da je Dios icutsat jém Xiwan, jesic da ti wiap taŋwat.

Jém aŋjagooyiyaj icinyajpa jém pixiní tam porque itumpiy de jeeyaj ijodoŋyaj iga jém Xiwan tum nunta profeta. ³³Jesic jém aŋjagooyiyaj icutsonyaj. Inímayyaj Jesús:

—Da anjodonta.

Jesic Jesús inínmáytim jém aŋjagooyiyaj:

—Ich datim mannímáypa i achi jém pimi iga aŋwatpa juuts síp aŋwat.

Jém cuento de jém malopíc mozo

(Mt. 21:33-46; Lc. 20:9-19)

12 Jesic Jesús moj iŋquejáy jém pixiní tam cuentujmi. Nímayyajta:

—Í idic tum pixiní iníp tum finca de uvas. Icutánne. Iwat tum tsajos juŋ ífobáypa jém uvas iní iga iwatpa jém vino. Iwatim tum torre juŋ iwatpa cuenta jém finca.

Jesic ocmi icnucs jém ifinca tungac pixiní tam iga ífúcyajpa jém uvas y iwatpa jém vino. Jesic jém nas iŋmi nic joyi tungac naxyucmi tsam juumi. ²Jesic cuando núc jém tiempo iga tiimaj jém uvas, jém finca iŋmi icutsat tum imozo iga niguiñ íam jém icnucsneyajwiip jém ifinca iga iwégáyin jém cosecha. ³Pero cuando núc jém imozo, matsta, tsam cótsta. Acsetta eybic juŋ miñ. Da ti ichiyaj. ⁴Jesic jém finca iŋmi icutsat tungac jém imozo. Pero iŋnácsjedayyaj jém icobac. Tsam pimi imalmalnímayyaj. Acsetta eybic juŋ miñ. ⁵Jesic icutsat tungac jém imozo, pero accaayta jém imozo. Asíam ináscayaj waŋi jém imozoyaj. Algunos pimi cótsta y algunos accaata.

⁶Ocmi núc tum jama iga tsý no más jém pixiní imaníc jém tsampic ífoypa. Jesic ocmi icutsattim jém imaníc. Ijisa: “Tienes que iníidayyajpa respeto ammaníc.”

⁷Pero cuando núc jém pixiní imaníc, jesic jém pixiní tam moj nanímayyajtaji: “Yfbam jém imaníc jém ipictsonpáppic itumpiy jém ijatunpic imiichi. Siip tanaccaaba, jesic taichí tam tammichatámpa jém herencia.” ⁸Jesic matsayta jém pixiní imaníc, accaata, patsayta aŋsicmi de jém finca.

⁹Jesic Jesús inínmáy jém pixiní tam: —Siip anímaayi: ¿Ti iwatpa jém finca iŋmi? Miñpa iccucaáy jém iwatyajpáppic cuenta jém uvas. Jesic ocmi ichiiba jém finca tungac pixiní tam.

¹⁰¿Que da immayne jém Dios iŋmaŋi juŋ jayñeta? Nímpa:

Jém ticwatpaap ipatsayfip jém tsa.

Pero ocmi jeefim tsa piñta.

Siip jeefim tsa icóppacne jém tic.

¹¹ Yíbam jém tanJatuñ Dios iwafí.

Cuando tánixfámpa, agui tampoónañjamtámpa.

¹² Jesic jém añjagooyiyaj tsam imatsyajtooba jém Jesús porque icutiyyiyaj iga jeam icuyucmi inmat Jesús jém xuú cuento. Pero tsam icinjaypa jém pixiñtam. Jesic ichacyajpa iga imoogýpa jém Jesús. Nicyajum.

Acwácta Jesús siiga wí tanyoj jém impuesto

(Mt. 22:15-22; Lc. 20:20-26)

¹³ Jesic ocmi cutsadayta Jesús algunos jém fariseoyaj y jém añjagooyi Herodes ipixiñtam. Nic icutítsta Jesús iga iccutinpa con jém inmatí iga wiañ iquejajwadayyaj.

¹⁴ Jesic núcyaj inímayyaj jém Jesús:

—Maestro, anjodónata iga siempre inimatpa jém numapic anmatí y da inwadáypa caso tí nimyajpa jém pixiñtam. Mich da i inçinpa. Siempre inimatpa parejo jém Dios inmatí. Jesic anímaayi, çwi iga tanyojpa jém impuesto jém César o da wí? ¿Tanyojtámpa o da tanyojtámpa?

¹⁵ Pero Jesús icutiyyíy iga jeeyaj da icuyucatooba jém Dios inmatí, no más miñ icutíts. Jesic inímay:

—¿Tiiga ancutítstámpa mimichám? Anamíñaayi tum tumiñ iga ánámpa.

¹⁶ Jesic inimíñayyaj Jesús tum tumiñ. Jesic Jesús inímay:

—¿I iwiñpac, i iníyí accámayñeta yíp tumiñyucmi?

Jesic nimyajpa jém pixiñtam:

—Jém César jém Romapic añjagooyi.

¹⁷ Jesic Jesús inímay jém pixiñtam:

—Jém Césarpic imiichi, chiiñaami jém César. Jém Diospic imiichi, chiiñaami Dios.

Tsam pími ipoónañjamyajpa jém pixiñtam cuando imatonyaj tí nimpa jém Jesús.

Jutsap icpisyajta jém caaneyajwiip

(Mt. 22:23-33; Lc. 20:27-40)

¹⁸ Miñajim algunos jém saduceoyaj iga íamaypa jém Jesús. Jeeyaj da icupicyajpa iga pisyajpa jém caaneyajwiip. Jesic icwácyajpa Jesús. Ninyajpa:

¹⁹—Maestro, wiñigam jém Moisés tajaychagáy yíp añquímayooyi.

Nimpa siiga caaba tum pixiñ y ichacpa iyomo, pero da ichac ni tum imaníc, jesic jém pixiñ íiwi

tiens que ipigáyiñ jém iyomo iga inimanícwatpa. Jesic tsíypa jém tsixi juuts jém caanewiip

imaníc. ²⁰Íf idíc tum pixiñ, iniit siete ijaymaníc. Yoomý jém más ahpíc. Ocmi ca, da ichac ni tum

imaníc. ²¹Jesic jém ipiitsi ipic jém icapay, jém cunoya. Ocmi jém pixiñ caatim mex je. Datim

inimanícwat jém yomo. Jesic ocmi jempicím iwat jém tungac ijáyuc.

²²Jempam iwatyaj icusiete, ipicyaj jém icapay, ni tum da inimanícwat jém yomo. Ocmim caatim mex jém

yomo. ²³Jesic cuando acpisyajtap jém caaneyajwiip, çjuppíc de jeeyaj tsíypa juuts jém yomo iwídaya

porque icusiete añcoomiyaj con jém yomo?

²⁴ Jesic Jesús icutsoŋ, nĩmpa:
—Mimichfam tsam
mijixifogoyñeta. Ða
ĩcutiĩyiyfámpa jém Dios
ĩŋmafi jém jaychacnetawiip.
Ðafim ĩcutiĩyiyfámpa tí wiap
iwat Dios con ipĩmi. ²⁵ Cuando
acpisyajtap jém caaneyajwiip,
dam aŋcoomyajpa. Ðam
napicyajtap jém pixiñtam con
jém yomtam. Jeeyaj tsĩyyajpa
juuts jém siŋyucmipic pixiñtam.
²⁶ Siip manaquejáypa iga numa
acpisyajtap jém caaneyajwiip.
Michtam immayñeta jém libro jém
ijayñewiip jém Moisés juť ĩŋmatpa
jém cuento de jém xutu cuy jém
jĩpsáppic idic. Ða ĩñjĩspa tí nĩmpa
Dios cuando ĩjyáy jém Moisés juť
agui yótpa jém xutu cuy. Nĩmpa así
Dios: “Ich jém Abraham aDios, y
jém Isaac aDios, y jém Jacob aDios.”
²⁷ Jesic quejpa iga jém tanJatuŋ
Dios da je jém caanewiip iDios, je
jém vivopic iDios. Mimichtam tsam
mijixifogoyñeta.

Jém más mijpic aŋquímayooyi

(Mt. 22:34-40)

²⁸ Jesic núctim jem tum jém
escribaspic maestro. Imatoŋ iga
ájayajpa jém saduceoyaj con Jesús.
Jém maestro iix iga Jesús tsam
iwicutsoŋ jém ienemigoyaj, jesic
icwác. Nĩmayfap:

—¿Juppic jém más mijpic
aŋquímayooyi?

²⁹ Jesic Jesús ĩñmáy:

—Nĩmpa así jém más mijpic
aŋquímayooyi: “Matonŋtaami
miIsraelpic mipixiñtam. Jém
tanJatuŋ Dios fum. Ða ĩ tunŋac.

³⁰ Toyi jém tanJatuŋ Dios con

íũmpiy ĩñanama, con íũmpiy
ĩñjixi y con íũmpiy impĩmi.” Yfbam
jém más mijpic aŋquímayooyi. ³¹ If
tunŋac aŋquímayooyi jexpicfim.
Nĩmpa así: “Toyi jém ĩñfiwi juuts
minitoyfap ĩnyaac.” Ða ĩ tunŋac
aŋquímayooyi más mij que yif
wisten.

³² Jesic jém escribaspic maestro
ĩñmáy Jesús:

—Numa, miMaestro, agui
ĩŋwiaŋmat. Numa juuts miñim
iga tum Dios íf, da ĩ tunŋac. ³³ Wi
iga tantóyiñ Dios con íũmpiy
tánanama, con íũmpiy tanjixi
y con íũmpiy tampĩmi. Wi iga
tantóyiñ tantfiwi juuts tanatoyfap
tanyaac. Siiga taŋwatpa yiimpic,
más iwianŋjam Dios que íũmpiy
jém ofrenda y jém sacrificio jém
noonetawiip altaryucmi.

³⁴ Jesic Jesús iix iga agui jixiíy
jém maestro. Tsam iwicutsoŋ.
Jeeyucmi nĩmpa así jém Jesús:

—Ða juchaŋ mifogóyáy iga
miñúcpa juť ĩnjacpa Dios.

Jesic cĩŋyajpa jém pixiñtam iga
eybic icwácyajpa jém Jesús.

Jém Cristo jém Dios iManic

(Mt. 22:41-46; Lc. 20:41-44)

³⁵ Jesic ocmi iganam accuyujóypa
Jesús jém masticjom, nĩmpa así:

—¿Tiiga nĩmyajpa jém escribaspic
maestroyaj iga jém Cristo je jém
David imanic? ³⁶ Jeefim David
ijaychacne así porque jém Dios
iAnama ichi jém jixi. Nĩmpa:

Jém tanJatuŋ Dios ĩñmáy jém
tánOmi Cristo iga:

“Coñi yim anawjimi hasta
que ĩñoñwíypa jém
mijóyixyajpaap.”

³⁷ ¿Pero jutsap ichíy jém Cristo juuts jém David imaníc siiga nímíim jém David iga jém Cristo je jém iOmi?

Jemum añtuumaneyaj tsam jáyan jém pixiñtam. Agui maymayyaj cuando imatoñyaj tí nimpá jém Jesús.

**Jém maestroyaj jém iccámneyajwiip
jém yagatsyoofi**

(Mt. 23:1-36; Lc. 11:37-54; 20:45-47)

³⁸ Jesic inmadáypaím Jesús jém pixiñtam. Nímayyajtáp:

—Cuidado iga inçupicpa jém jixi jém dápic wí jém iniitwiip jém escribaspic maestroyaj. Je iwianjamyaj iga iccámyajpa jém yagatsyoofi. Iwianjamyajtim iga jém pixiñtam idioschiyajiñ cuando siiyajpa calle. ³⁹Iwianjamyajtim jém más wibic coñcuy jém sinagoga. Cuando nicpa sñajiyaj, icusúniyyajpa jém coñcuy juí wícpa jém más mijpic anjagooyi.

⁴⁰ Iccáyáypa jém cunoya ífic. Jesic ocmi tsam jáypa hora iwatyajpa jém oración iga tamigóyáypa. Ipictsoñyajpa tsam mijpic castigo cuando nicpa iyoj itánca.

**Tum cunoya tsam pobre ichi Dios
ofrenda**

(Lc. 21:1-4)

⁴¹ Tum jama coñ Jesús jém mijpic masticjom noco juí íf jém cajon juí cottap jém ofrenda. Iix Jesús jém pixiñtam cuando icotyajpa jém ofrenda cajonjom. Iix iga watí jém ricoyaj, icotyaj jáyan tumiñ. ⁴² Ocmi núcim tum yomo tsam pobre. Cunoyam. Icot cajonjom wisten xuxuí tumiñ. ⁴³ Jesic Jesús inwejáy

icuyujciwiñ iga míniñ íamyaj.

Iñímáy:

—Núma mannímáypa, yíp cunoya tsam pobre más chióy que itumpiy jém pixiñtam jém icotneyajwiip itumiñ jém cajonjom. ⁴⁴ Porque los de más, jém tumiñiywiip, ichiiyaj no más uxaj jém itumiñ jém iniitwiip ífic. Yíp cunoya tsam pobre, pero icuchiáy Dios itumpiy jém iniitwiip. Dam tí initsíy iga wícpa jém yomo.

**Nimpá Jesús iga miswattap jém
mijpic mastic**

(Mt. 24:1-2; Lc. 21:5-6)

13 Jesic iganam putyaj Jesús jém mijpic masticjom con icuyujciwiñ, tum jém icuyujciwiñ inímáy:

—Mammaestro, aami yíp tammastic. Agui wíwatne con jém wítampic tsa.

² Jesic Jesús inímáy jém icuyujciwiñ:

—Núma, siip inixtámpa yíp mijtampic mastic, pero núcpa jama iga miswattap. Da cutatsquetneeba ichíy ni tum tsa. Itumpiy accujegayyajtáp.

**Tí tánixpa antes que núcpa jém
inanjigam jama**

(Mt. 24:3-28; Lc. 21:7-24; 17:22-24)

³ Nicyaj Jesús con icuyujciwiñ jém cotsicyucmi de Olivos. Jemum coñyaj jém mijpic mastic inuma, jém pacus añwiñtuc. Jesic jém Peto, jém Jacobo, jém Xiwan y jém Anti icunúcyaj jém Jesús. Iyámacwácyajpa:

⁴ —¿Anímáytaami juchis naspa yípyaj cosa? ¿Jup seña tánixtámpa cuando naspa itumpiy yípyaj cosa?

⁵Jesic Jesús moj iñímáy jeeyaj: —Nawattamtají cuenta iga odoy i mimigóyayfámiñ. ⁶Miñyajpa wafí jém migoyyajpaap ich anniyimi. Nimyajpa iga: “Ich aCristo.” Imigóyayyajpa tsam jáyañ jém pixiñtam.

⁷Jesic cuando immatoñtámpa iga íf jém guerra y wañpa iga tsam áñayajpa jém naciónyaj, odoy cñtaami; tienes que naspa ítumpiy yípyaj cosa, pero danam núcne jém íñanpígam jama. ⁸Tum nación áñayajpa con tungac nación. Tum naxyucmi áñayajpa con tungac naxyucmi. Miñpa jém nasyixi juítquej. Miñpatim jém mijtampic yuu. Tsam cujínñayajpa jém pixiñtam. Cuando íñixtámpa ítumpiy yípyaj cosa, iñjodotam iga tsucumneum jém mijpic yaachaji.

⁹Cuando moypa íñixta ítumpiy yípyaj cosa, nawattamtají cuenta. Mimattstamtap, mininictamtap juí añtuumayajpa jém Sanhedrín iga micíipintap. Mininictamtap jém sinagoga iga micótstamtap. Ich añcuyucmi mininictamtap jém gobernador iwíñjom y hasta jém rey iwíñjom. Jesic jempígam inicjodónap jeeyaj ich anañmatí. ¹⁰Antes que núcpa jém íñanpígam jama, tienes que añmattap jém wibic añmatí icuwiíti yíp naxyucmi. ¹¹Cuando mininictamtap jém añjagooyiciim, antes que miñúctámpa, odoy jisí jutsap ñcutsoñ jém añjagooyiyaj. Añmadaayi juuts miñímáy Dios jeetí rato porque dá mich iñjixquimi. Dios iAnama michiiba jém añmatí. ¹²Algunos jém pixiñtam iciñjucotpa jém

iñuntatiwi jém añjagooyiciim iga accaataíñ. Tum pixiñ iciñjucotpa jém imaníc jém añjagooyiciim iga accaataíñ. Algunos jém tsixfam íjóyixyajpa jém íjatuj o íapa hasta iciñjucotyajpa jém añjagooyiciim iga accaayajtaiñ. ¹³Ítumpiy jém pixiñtam tsam mijóyixtámpa ich añcuyucmi. Pero siiga dá iñchactámpa jém Dios íñmatí y siiga iñyaachíypa cuando mimalwadáyfamtap, jesic Dios micíacputtámpa.

¹⁴Jém wiñicpic profeta, jém Daniel, íjaychac jém librojom iga miñpa tum añjagooyi tsam pími malo, tsam íjóyixpa tanJatuj Dios. Miñpa iwat contra jém Dios íñquímayooyi. Cuando íñixpa iga miñpa íti jém añjagooyi juí dá iwíñjam Dios (el que imaypa yíp libro wí iga icutiñyíyíñ tí annímáypa), jesic miíttañwiip jém naxyucmi de Judea, poytaami, nictaami cotsiganjom. ¹⁵Siiga miquímne iñticyucmi jém tungac piso, jesic odoy queti iga nicpa impic íñtraste, pero nicsim poyimi. ¹⁶Siiga miífta camjom cuando immatoñ iga núcneum jém malopic añjagooyi, jesic odoy settaami iñticiim iga miñpa impic impuctucu. Jemigam tsucumtaami. ¹⁷Agui uuguytím jém yomtám jém maníccomcaneyajwiip y jém ictsútsyajpaap jém xuxú tsixfam. Porque tsam jáyañ yaachaji miñpa. ¹⁸Añwejpáttaami Dios iga odoy mictsíyftamiñ jém tiempo de succuc cuando mipoytámpa. ¹⁹Cuando núcpa jém malopic añjagooyi, tsam pími miyaachátámpa. Dá nunca oypa tánix jexpic yaachaji dende

Dios iwat yíp mundo. Ni ocmi
 da eybic tánixpa jexpic yaachaji.
²⁰ Jém tanJatuñ Dios da ijícpa iga
 jáypa jém malopíc anjagooyi. Siiga
 jáypa, da i ciiputpa, cucaayyajpa
 ítumpiy jém icupinneyajwiip Dios.
 Jeeyucmi da ijícpa iga jáypa jém
 malopíc anjagooyi.

²¹ Siiga i miñmáypa iga: “Miñi
 aami, yim it jém Cristo”, o tungac
 miñmáypa iga: “Niği aami,
 jeexic it jém Cristo”, jesic odoy
 cupictaami. ²² Porque miñyajpa
 tsam jáyan jém migoypaap.
 Nímanṭaayap iga je jém Cristo,
 pero migóypa. Nímanṭaayap iga je
 jém wibic profeta. Iwatyajpa jém
 wítampic seña y jém milagroyaj
 iga meega wiap imigóyayyajpa
 jém icupinneyajwiip Dios. ²³ Jesic
 mimichtam nawattamtaji cuenta
 porque mannímayñe ti miñpa antes
 que núcpa jém jama.

**Íti naspa yíp naxyucmi cuando
 miñgacpa jém Cristo**

(Mt. 24:29-35,42,44; Lc. 21:25-36)

²⁴ Jesic jém tiempo cuando nasum
 jém yaachaji, píchpa jém jama
 ichoça. Jém poya datim tsocpa.
²⁵ Jém matsa jém ítwiip sinyucmi,
 cutinayajpa. Tsam tsigóypa ítumpiy
 jém ítayajwiip jém matsaanjom.
²⁶ Cuando nasum ítumpiy yípyaj
 cosa, jesic ítumpiy jém pixiñtam
 iixyajpa jém Miññewiip Sinyucmi
 cuando miñgacpa yíp naxyucmi.
 Miñpa ucsanjom. Miñpa juuts tum
 mijpic anjagooyi con Dios ipimi.
²⁷ Cutsadayṭap jém sinyucmipic
 pixiñtam icuwoyo yíp naxyucmi
 iga intuumawatyajiñ ítumpiy jém
 icupinneyajwiip Dios. Nicyajpa

hasta jém más juumipic tiganjoj
 iga intuumawatyajpa ítumpiy jém
 ampixiñtam dende sinyucmi hasta
 naxyucmi.

²⁸ Cutiñyítaami yíp ejemplo
 de jém tsuj. Cuando químpa
 jém inṭamañay, jesic tanjodoñ
 iga nocojom miñpa jém cutujci.
²⁹ Jesapṭim cuando inixtámpa
 iga naspa jém mannímayñewiip,
 jesic inṭodoñtam iga nocojom
 it jém inṭapic jama cuando
 amiñgacpa yíp naxyucmi. ³⁰ Numa,
 mannímaypa, ítumpiy yípyaj
 cosa naspa antes que caayajpa
 jém pixiñtam jém ítayajwiip yíp
 naxyucmi cuando mojpa miñi
 ítumpiy yípyaj seña. ³¹ Cuyajpa jém
 siñ y jém nas, pero ich anañmati da
 nunca cuyajpa.

³² Da i ijodoñ jup jama ni juchis
 hora núcpa ítumpiy yípyaj cosa.
 Da ijodoñyaj ni jém sinyucmipic
 pixiñtam ni datim ijodoñ jém Dios
 iManic. Icutum ijodoñ jém tanJatuñ
 Dios.

³³ Nawattamtaji cuenta, íftaami al
 tanto, seguido anwejpáttaami Dios
 porque da inṭodoñtam juchis núcpa
 jém inṭapic jama. ³⁴ Cuando núcpa
 jém jama jextim juuts tum pixiñ
 cuando nicne joyi juumi. Ichacpa
 ític con algunos jém imozoyaj iga
 iwadáyin cuenta. Inquímstacpa
 jém imozoyaj. Cada tumtum ichi
 iyoxacuy. Ichac tum iga iwatpa
 cuenta jém puerta. Inímáy iga idiñ
 al tanto. ³⁵ Mannímaytámpatim
 mimichtam, íftaami al tanto
 porque da inṭodoñtam juchis hora
 amiñpa, siiga amiñpa cuando
 jocpiichabam, o cugaptsu, o
 cuando anwejpa jém çayu, o hasta

cuquejaciim. ³⁶Jesic anjójtaami iga odoj maŋcupiichciiytámiñ cuando amiñgacpa. ³⁷Siip anaŋmadáypa itumpiy pixiñtam juuts mannímayñeta mimichtam iga ityajiñ al tanto.

Jém anjagooyiyaj iwatyajpa trato iga matstap jém Jesús

(Mt. 26:1-5; Lc. 22:1-2; Jn. 11:45-53)

14 Togoy wisna jama iga naspá jém pascuasij cuando cúttap jém caxtánañi sin levadura. Jesic jém cobacpic panijyaja entre jém escribaspic maestroyaj imétsyajpa jutsap iyammats jém Jesús iga iccaaba. ²Pero algunos jém anjagooyiyaj nimyajpa:

—Da tammatstámpa sinjom iga odoj cujiñayyajiñ jém pixiñtam.

Tum yomo icutecquet Jesús con wibic perfume

(Mt. 26:6-13; Jn. 12:1-8)

³Í ídic Jesús jém atebet Betania jém Ximój íticciim, jém cupúgayñewiip ídic ináca. Iganam coñ Jesús jém mesaciim jut wícyajpa, tum yomo inimiñ tum tsaafasco comne de jém wibic aceite. Naps nardo jém aceite jém tsampic tsoowíy. Jesic jém yomo ipo jém frasco, icutecquet jém aceite Jesús icobacyucmi. ⁴Pero algunos pimi jóy iga iwat jempic jém yomo. Nanímayyajta entre jeeyaj:

—¿Tiiga ífecnichca yíp wibic aceite? ⁵Meega tammáypa yíp aceite, ivale más de trescientos tumiñ de plata. Jesic wiap tanyoxpát jém yaachayajpaap.

Jesic moj iwogayyaj jém yomo.

⁶Pero Jesús inílmáy:

—Tsaci yíp yomo. ¿Tiiga immoogíypa? Tsam awiwadáy.

⁷Jém yaachayajpaap siempre injwaganaiítámpa. Wiap inyoxpátta juchis mich inxunpa. Pero aich da siempre maŋwaganaiítámpa. ⁸Yíp yomo awiwadáy con jém iniitwiip. Danam acaane, pero miñ acutegáy jém wibic aceite ammijtayyucmi juuts cuando cumtap tum tsúts.

⁹Numa mannímaypa, jutquej aŋmattap jém wibic aŋmáti icuwíti yíp naxyucmi, aŋmattapím ti awadáy yíp yomo iga jém pixiñtam ijisyajiñ yíp yomo.

Jém Judas iciijucot jém Jesús

(Mt. 26:14-16; Lc. 22:3-6)

¹⁰Jesic jém Judas Iscariote, tum de jém Jesús icuyujciwiñ, jém docepic, nic iniŋmat jém panij anjagooyi. Nic iwat trato jutsap iciijucot Jesús jém anjagooyi iciijom. ¹¹Jesic agui maymayyaj jém panij anjagooyiyaj cuando ijodóna tiiga miñ jém Judas. Inílmayyaj iga ichiyajpa tumiñ jém Judas iga iciijucotpa jém Jesús. Jesic jém Judas moj iméts jutsap iwat.

Jém wiñtipic Santa Cena

(Mt. 26:17-29; Lc. 22:7-23;

Jn. 13:21-30; 1 Co. 11:23-26)

¹²Jesic tsucúmum jém sinj iga jém Israelpic pixiñtam icútyajpa jém caxtánañi jém dápíic iniñ levadura. Jesic jém wiñtipic jama cuando accaayajtap jém xuxuñ borregoyaj para jém pascuasij, jém Jesús icuyujciwiñ icwácayaj, inílmayyaj: —¿Jut inxunpa iga nicpa aŋwıtsacta itumpiy cosa iga tawíctámpa jém pascuasij?

¹³ Jesic Jesús icutsat Jerusalén wisten jém icuyujciwiñ. Iníímáy: —Nictaami jém attebet Jerusalén.

Jemic impáttámpa tum pxiñ jém ininicpaap tum majcuy ni. Jesic túñjyfaami, ¹⁴ hasta tigíypa tum ticjom. Nímayfaami jém tic iomi iga: “Nímpa jém ammaestro: ¿Juí íf jém cuarto juí anacnasa jém pascuasij con aņcuyujciwiñ?”

¹⁵ Jesic jém tic iomi miñquejáypa tum mijpic cuarto jém yucmipic piso. Wítsacneum jém cuarto. Iniiítum títam tansunpa. Jemiġam wíwattaami jém tañwícuy iga tasíjñatámpa.

¹⁶ Jesic jém wisten icuyujciwiñ nicyaj jém attebet Jerusalén. Cuando núcyaj jemic, ipát jém tic juuts iníímáyne jém Jesús. Jesic jém cuarto iwatyaj jém wícuy iga icnasyajpa jém pascuasij.

¹⁷ Jesic tsuuyawum ífi, núcyaj Jesús con jém doce icuyujciwiñ.

¹⁸ Jesic iganam síp iwícyaj, nímpa jém Jesús:

—Numa mannímáypa, tum de mimichfam, jém aņwaganawícpaap, aņciijjuņcotpa jém ánenemigo iciijjom.

¹⁹ Jesic tsam aņyácyaj jém Jesús icuyujciwiñ. Cada tumtum moj icwácyaj jém Jesús. Nímyajpa:

—¿Aicham?

²⁰ Jesic Jesús iníímáy:

—Numa, tum de mimichfam, jém midocepic maņcuyujciwiñ, jém aņwaganasonpaap jém caxtánañi tumtí chímajom, jeam aciijjuņcotpa.

²¹ Ich jém aMiññewiip Sinyucmi, tienes que accaatap juuts nímpa jém Dios inmafi. Pero agui uuguytim jém pxiñ jém aciijjuņcotpaap. Más wí meega dá idic nay jém pxiñ.

²² Jesic iganam wícyajpa, jém Jesús imatspic tum caxtánañi. Cuando yaj injwejpát Dios, iwéc jém caxtánañi, ichi jém icuyujciwiñ, iníímáy:

—Yíp caxtánañi ich ammiytaj. Cúttaami.

²³ Ocmi ipic tum copa jém uvas iníi. Cuando yaj injwejpát Dios, ichi jeeyaj. Lucyaj ítumpiyyaj. ²⁴ Jesic Jesús iníímáy jém icuyujciwiñ:

—Yíp ich anniipiñ, con jeam aņwatpa jém jomipic trato. Antegáypa anniipiñ por jáyaņ pxiñtam. ²⁵ Numa mannímáypa, dá eybic ánućpa jém uvas iníi hasta que núćpa jém jama iga ánućpa jém jomipic vino juí injacpa Dios.

Nímpa Jesús iga Peto innéćpa

(Mt. 26:30-35; Lc. 22:31-34; Jn. 13:36-38)

²⁶ Jesic yaj iwanyaj tum wañi, nicyaj jém cotsicyucmi iníiyi Olivos. ²⁷ Jesic iníímáy Jesús jém icuyujciwiñ:

—Mimichfam iníitumpiyfam tsam micijñtámpa, ampoychactámpa aņcutum yíptim tsuu. Porque nímpa así jém Dios inmafi juí jayñeta:

“Accaatap jém pastor. Cupóyayajpa jém iborregoyaj.” ²⁸ Pero ocmi cuando apispa, jesic aņjagoñeeba annic jém naxyucmi de Galilea.

²⁹ Jesic jém Peto iníímáy jém Jesús: —Aunque ítumpiy tsam cinyajpa y michacpa inćutum, más aich dá aciņpa y dá maņcupóyáypa.

³⁰ Jesic Jesús iníímáy jém Peto: —Numa mannímáypa iga yíptim tsuu antes que wisciy aņwejpa jém cayu, mimich anañnéćpa tres veces.

³¹ Pero jém Peto duro iníímáy: —Aunque tawagacaiñ con mimich, ich dá manañnéćpa.

—¿Tiiiga miñ ammatsta con espada y con cuy juuts tum anúmpaap? ⁴⁹Cada jama jáy accuyujooyi masticjom y da nunca ammatsta. Pero siip michfam jempigam iñwatta iga cupaguiñ jém Dios iñmafi juť jayñeta.

⁵⁰Jesic itumpiy jém icuyujciwiñ ichacyaj icuťum, cupóyayyaj.

⁵¹Pero tum woñjaychixi itúnjyapa jém Jesús. Nanmonnetā con tum manta. Matstaťim jém woñjaychixi.

⁵²Pero ichac jém iñmónóycuy, icusići poy.

Nanictā Jesús juť aņtuumayajpa jém Israelpic aņjagooyiyaj

(Mt. 26:57-68; Lc. 22:54-55, 63-71; Jn. 18:12-14, 19-24)

⁵³Jesic nanictā Jesús juť it jém cobacpic panij aņjagooyi. Jemum aņtuumayaj jém cobacpic panijyaj, con jém wıdaytam y con jém escribaspic maestroyaj. ⁵⁴Jém Peto ijuumacpoyñe jém Jesús. Jesic núctim mex je jém cobacpic panij iticciim. Iwaganacoñ jém policia aņciim. Sampa jém Peto con jeeyaj jém jucticiim.

⁵⁵Jesic jém cobacpic panijyaj con jém más mijpic aņjagooyiyaj, jém Sanhedrín, imétsyajpa tum icumigoypaap Jesús iga accaatañ. Pero da ipádáy jém itañca. ⁵⁶Tsam waťi jém testigo icumigóypa jém Jesús, pero jeeyaj da tumťia jém iñmaťiyaj. ⁵⁷Algunos jém pixiñtam teñchucum iga icumigóypa jém Jesús. Nimyaj:

⁵⁸—Ammatonťa yıp pixiñ iga nimpa: “Ich ammiswatpa yıp mijpic mastic jém watnetawiip ciimi, jesic tucunajama ich aņwatpa tungac mastic jém ďapic watne ciimi.”

⁵⁹Pero jém pixiñtam ďatim tumťia jém iñmafi.

⁶⁰Jesic teñchucum jém cobacpic panij jém pixiñtam aņcucmi. Icwácpa jém Jesús. Iñmáypa: —¿Que da iņcutsoņpa ti sıp iñimyaj contra mimich?

⁶¹Pero jém Jesús ďa jiypa. Ďa ti icutsoņpa. Jesic eybic jém panij aņjagooyi icwác jém Jesús. Iñmáy: —¿Que mich miCristo? ¿Que micham jém Yucmipic Dios miManic?

⁶²Jesic Jesús icutsoņ. Iñmáy: —Aicham. Michfam ánixtampa aich, jém aMiñnewiip Siņyucmi, cuando acoņpa jém tanJatuņ Dios iņwimi. Ánixtampatim cuando amiñgacpa siņyucmi jém ucsaņjom.

⁶³Jesic jém cobacpic panij ichobiychıccujac iyooťi iga agui jójñe. Nimpa:

—¿Tiiiga tammétspa tungac testigo? ⁶⁴Mimichfam immatonoņneta iga tsam icujiypa tanDios. ¿Jesic ti iñjıstampa? ¿Jup castigo tanchiiba?

Jesic itumpiy jém aņjagooyiyaj nimyaj iga accaatañ jém Jesús.

⁶⁵Jesic algunos moj ichujcayaj jém Jesús. Iñmónayyaj iixcuy. Moj ixoņyaj. Nímayťa Jesús:

—Siiga numa mixabio, anımaayi i mixoņ.

Ciijuncoťa Jesús jém mastic ipolicia iciijom. Jeeyaj itojayyajpa iwiñpac.

Jém Peto iñécpa iga iixpicpa Jesús

(Mt. 26:69-75; Lc. 22:56-62; Jn. 18:15-18, 25-29)

⁶⁶Jém Peto tsıy naxwiñ, tsıy aņciim. Miñ tum yomo, jém panij aņjagooyi imozo. ⁶⁷Mu iix iga sampa jém Peto, jesic jém yomo iámmats, iñmáy:

—Mich mixiibafim con jém Jesús jém Nazaretpic pìxiñ.

⁶⁸ Jesic jém Peto ignécpa. Nimpa:

—Đa ánixpicpa jém pìxiñ. Ni da anjodoŋ tí síp inñim.

Jesic nic jém Peto jém puerta añnaca. Jesigam añwejpá tũm çayu.

⁶⁹ Jém yomo eybicím agui iámpa jém Peto, moj inñímáy jém ífyajwiip jem:

—Yíp pìxiñ tũm de jeeyaj.

⁷⁰ Pero eybicím ignéc jém Peto iga da iixpicpa jém Jesús. Jesic ocmi tuŋgagam pìxiñ nimpa:

—Nũma mimich tũm de jeeyajpic. Quejpa iga Galileapic mipìxiñ.

Jempicím miŋmatpa juuts jeeyaj.

⁷¹ Jesic jém Peto pimi jóyñe. Moj malmaljiyi. Nimpa:

—Wijodios iga da ánixpicpa jém pìxiñ, jém miñimpaap.

⁷² Jesic jeeti rato eybic añwej jém çayu. Jém Peto ijis tí inñímáy jém Jesús iga: “Antes que wisçiy añwejpá jém çayu, mimich anañnécpa túcciy iga da ánixpicpa.” Cuando ijis jém Peto tí inñímáy jém Jesús, moj weji.

Nanictá Jesús jém Pilato iwiñjom

(Mt. 27:1-2, 11-14; Lc. 23:1-5; Jn. 18:28-38)

15 Jesic icuquejama añtuumayajpa jém cobacpic panijyaj, con jém wiđaytam, con jém escribaspic maestroyaj y ítũmpiy jém más mijpic añjagooyiyaj, jém Sanhedrín. Moj ijisyaj tí wiap iwatyaj con jém Jesús. Jesic ocmi ipiimiyaj jém ipolicía iga ichenyajiñ jém Jesús y iga niguiñ icijũcotyay jém Pilato icijjom. ²Jesic jém Pilato icwácpa jém Jesús. Nímayta:

—¿Que micham jém judíos miRey?

Jesic Jesús icutsoŋ, inñímáy:

—Mich miñimpa.

³ Jesic jém cobacpic panijyaj inñimayyaj jém Pilato iga Jesús tsam pimi imalwatne. ⁴ Jesic jém Pilato eybicím icwác jém Jesús. Inñímáy:

—¿Que da inçutsoŋpa? Ixi jutsañ quejaj ampictsoŋ acontra de mimich.

⁵ Pero jém Jesús da tí más icutsoŋ. Jesic jém Pilato tĩneanjac porque da jiy jém Jesús.

Jém añjagooyi ipiimíyapa iga accaatañ jém Jesús

(Mt. 27:15-31; Lc. 23:13-25; Jn. 18:38—19:16)

⁶ Jém Pilato iniit tũm costumbre iga icutsigáypa tũm preso jém pascuasij. Icutsigáypa jém preso jém icupiñneyajwiip jém pìxiñtam.

⁷ Jesic íf idic cárceľ tũm pìxiñ inñiyi Barrabás. Wagapajneyajta con jém rebeldeyay jém accaoyñeyajwiip cuando ictsucumyajtĩp tũm bulla.

⁸ Jesic añtuumayajpa tsam jáyaŋ pìxiñtam juť íf jém Pilato, mojpa iwágayyaj iga icutsigáyin tũm preso juuts siempre iwatpa. ⁹ Jesic jém Pilato inñímáy jém pìxiñtam:

—¿Inwianjamta iga añcutsigáypa jém judíos iRey?

¹⁰ Jém Pilato icutiíy iga jém panij añjagooyiyaj icijũcotyay Jesús porque agui icujóyiyajpa.

¹¹ Jesic jém panij añjagooyiyaj moj icujinayyaj jém pìxiñtam. Inñimayyaj iga iwágáyin jém Pilato iga icutsigáyin jém Barrabás.

¹² Jesic jém Pilato eybicím inñímáy jém pìxiñtam:

—¿Jesic tí inwianjamta iga añwadiñ con yĩmpic inicniyaneta jém judíos iRey?

¹³Jesic eybictim icutsoyayja. Pimi jiyayja. Nimyayja:

—iCunuuntaami cunusyucmi!

¹⁴Jesic jem Pilato inimay jem pixiñtam:

—¿Tiiga? ¿Ti mal iwatne?

Jesic mastim pimi jiyayja. Nimyayja:

—iCunuuntaami cunusyucmi!

¹⁵Jesic jem Pilato ijspa iga iwatpa juuts iwianjamyaj jem pixiñtam, icutsigay jem Barrabás. Ipiimay iga cõtstain jem Jesús, iciijucot jem soldado iciijom iga cunúntain cunusyucmi.

¹⁶Jesic nanicta Jesús jem palacio iançim juí antuumaneyaj itumpiy jem soldado. ¹⁷Iccamayaj Jesús tum moradopic puctucu. Itagayyaj tum apicorona, iccamayaj icobacyucmi. ¹⁸Jesic jem soldado moj idioschiyaj jem Jesús juuts tum rey. Nimyayja:

—Xutsóy miRey de jem judíos.

¹⁹Jesic icótsayyajja Jesús icobac con tum cuy. Ichujcayajja. Icošteñayyajja Jesús juuts ijisyajja tum dios. ²⁰Jesic cuando yaj ixaayiyaj jem Jesús, accáyayta jem moradopic puctucu, eybictim accámayta jem iyoofti jem imiichipic. Ocmi ininicyajum jem Jesús iga cunúntain cunusyucmi.

Cunúnta cunusyucmi jem Jesús

(Mt. 27:32-44; Lc. 23:26-43; Jn. 19:17-27)

²¹Jemum naxi idic tum Cirenepic pixiñ iniyi Ximoj. Jem imanictam Alejandro y Rufo. Sefti idic icamjom. Imatsyaj jem soldado, ipiimiyyaj iga ininigayin jem Jesús icunus.

²²Nanicta Jesús tum lugar iniyi Gólgota. Nimtooba

jem tanañmatimi, jem Tsútscobacpacciim. ²³Jesic chiifta Jesús jem vino namotnetawiip con jem tsoy iniyi mirra. Pero da iuc. ²⁴Jesic jem soldado icunúnyaj cunusyucmi jem Jesús. Iwégayyaj jem Jesús ipuctucu. Iwatyaj tum sorteo iga iixyajiñ títam ictsypa cada tumtum jem soldado iga ininicyajja.

²⁵A las nueve de la mañana micunúnta Jesús cunusyucmi. ²⁶Accámayta tum letrero icunusyucmi iga quejiñ tiiga accaata jem Jesús. Jayñeta yiimpic: “Jem judíos iRey.” ²⁷Jeetim lugar cunúnyajtam cunusyucmi tungac wisten pixiñ, númyajpaap. Páñayta tum jem icunus jem Jesús inwimi y tum inñaymi. ²⁸Jempigam cupac jem Dios inñati jem jayñetawiip juuts nimpia: “Chiifta castigo jem wibic pixiñ juuts tum criminal.”

²⁹Jesic jem pixiñtam nasyajja jem, imalmalnımayyajja jem Jesús. Ixiccayajja. Inñwıñoyayyajja con icobac. Nimyayja:

—Ja, ¿da mich miñimpia iga wiap immiswat jem mijpic mastic y ocmi iniccupacpa eybic en tucunajama?

³⁰Siip nacupıjtaji inñaac. Queti inçunusyucmi.

³¹Jesic jem cobacpic panijyaj con jem escribaspic maestroyaj tsam ixaayiyajpatim jem Jesús. Moj nanımayyajtaji entre jeeyaj:

—Yip pixiñ iciacputpa tungac, pero iyaac da wiap iniciacputta. ³²Siiga yfbam jem Cristo jem Rey de Israel, quetpa yıpti rato jem icunusyucmi, jesic numa tañcupictampa.

Jesic jem cunúnetawiip con Jesús imalnımayyajpatim.

Accaata jém Jesús*(Mt. 27:45-56; Lc. 23:44-49; Jn. 19:28-30)*

³³Núc cugapjama. Cupiicha icuwiíi jém naxyucmi. Pimi piichi hasta las tres de la tarde. ³⁴Jesic jeetím hora pimi jýpa jém Jesús. Nímpa:

—Eloi, Eloi, ¿lama sabactani?

Taichtám tanañmatími níntooba: ManDios, manDios, ¿tiiga antsac añcuútm?

³⁵Jesic algunos jém ítyajwiip jem, cuando imatoñyaj, nímyaj:

—¿Immatoñta? Siip iñwejáy jém wiñicpic profeta jém Elías.

³⁶Jesic tum de jeeyaj poyimi nic ipic tum esponja juuts tum puqui, imuj con jém tampic vino, iccám tum waycuyucmi iga igucpa jém Jesús. Nímpa jém pìxiñ:

—Joocinam, tañcuixpa siiga da miñpa jém Elías iga icquetpa jém cunusyucmi.

³⁷Jesic pimi añwej jém Jesús, caum. ³⁸Jesic jém puctuctaani jém ítwiip jém mijpic mañticjom teeñañsaj dende siñwiñ hasta naxyucmi. ³⁹Jesic jém soldado icapítan jemum teñ juí cunúnnetá cunusyucmi jém Jesús. Mu imatoñ iga añwejpá jém Jesús y iix jutsa mu icca, nímpa jém capitán:

—Numa, yíp pìxiñ jém Dios iManic.

⁴⁰Miñyajítm algunos jém yomtam, tsíyyaj juumi, pero iixyaj íi ñasca jém Jesús. Íf jém Malía Magdalena. Ífítm jém tuñgac Malía jém segundo Jacobo y José iapa. Ífítm jém yomo jém Salomé. ⁴¹Yípyaj yomtam ífúñiyaj Jesús cuando oy ífi jém naxyucmi de

Galilea. Jemum tsam iyoxpátyajpa, icwícyajpa jém Jesús. Ítyajítm jem jáyañ jém Galileapic yomtam jém iwaganamiñnewiip Jesús Jerusalén.

Cumta jém Jesús*(Mt. 27:57-61; Lc. 23:50-56; Jn. 19:38-42)*

⁴²Jeeítm jama jém Israelpic pixiñtam iwítsacyajpa ítumpiy cosa para jém jejcuyjama. Jesic tsuuyim ⁴³tum pìxiñ iñiyi José moj ijis iga icquedáypa cunusyucmi jém Jesús imíjtay. Arimateapic pìxiñ, tsíy juuts tum mijpic añjagooyi de Israel. Tsam injócpatim jém tiempo cuando Dios injacpa ítumpiy jém pìxiñtam. Jesic jém José icamamwat íanama, nic íám jém Pilato, iwágáypa permiso iga icquedáypa jém Jesús imíjtay. ⁴⁴Jém Pilato injísjac siiga numa caaneum jém Jesús o da caane. Jesic inwejáy jém capitán, icwác siiga numa caaneum. ⁴⁵Cuando jém capitán nímpa iga numa caaneum, jesic jém Pilato ichi permiso jém José iga ininigáyiñ jém Jesús imíjtay. ⁴⁶Jesic José ijuy tum jomipic puctucu, jém lino. Nic icquedáy jém Jesús imíjtay, inmon con jém jompuctucu, nic icot tum tsaajosjom. Watnetá jém tsaajos. Jesic ocmi jém José injopnúc jém tsaajos con tum mijpic tsa. ⁴⁷Jém Malía Magdalena con jém tuñgac Malía, jém José iapa, iixyaj juí cumta jém Jesús.

Acpístá jém Jesús*(Mt. 28:1-10; Lc. 24:1-12; Jn. 20:1-10)*

16 Jesic jém tuñgac jama cuando nasum jém jejcuyjama, jém yomtam nic ijuy jém especia jém cìnpáppic iga icámáypa jém Jesús imíjtay. Ítyaj

jém Malía Magdalena, jém Salomé y jém Jacobo iapa jém Malía. ²Jesic icuquejama, jém wiñtipic jama de jém semana, joccuquej, nicyaj jém tsaajosciim jém yomtam. ³Iganam niquiyaj tunjom jém yomtam moj iijisyaj, nanímayyajtap:

—¿Pero i wiap injoobáy jém mijpic tsa, jém jos aḥnúccuy?

⁴Pero cuando núcyaj jém tsaajosciim iixyaj iga jém mijpic tsa, jém jos aḥnúccuy, aḥjoobayñetaḥwum. ⁵Jesic tigiyay jém yomtam jém tsaajosjom.

Jemum iixyaj iga coñ tum woñjaychixi jém josjom jém aḥwimipic lado. Iccámne tum yagats yooḥi agui popo. Jém yomtam tsam aḥjécayaj. ⁶Pero jém pixiñ iníamáy jém yomtam:

—Odoy cḥntaami. Michám sḥp immétsta jém Jesús, jém Nazaretpic pixiñ, jém cunúntawḥiip cunusyucmi. Pero siḥp acpisnetawum. Dám i yiim. Ámtaami juḥ tsagayñeta idic jém imijtay. ⁷Siḥp nigí námaayi jém icuyujciwiñ y jém Peto iga: “Aḥjagóypa inḥc jém Jesús jém naxyucmi de Galilea. Jemigam iníxítampa juuts miñímayñeta.”

⁸Jesic putyaj jém tsaajosjom jém yomtam. Nic poyimi. Tsam aḥjécneyaj. Agui cuetsayyajpa. Dá i inmadayyaj tí inascayaj porque tsam cḥñneyaj.

Jesús iwiñquejáy jém Malía Magdalena

(Jn. 20:11-18)

⁹Jesic cuando acpistaḥwum jém Jesús, icuquejama, tsuuyítim, jém wiñtipic jama de la semana, iwiñquejáy jém Malía Magdalena,

jém ifobayñewiip Jesús jém siete mal espíritu. Jém yomo jém mojwiip iwiñquejáy Jesús. ¹⁰Jesic jém Malía Magdalena nic iám jém icuyujciwiñ. Jeeyaj agui aḥyácneyaj, agui weyjajpa. Jém Malía inmadayyaj iga iwiñquejayñe jém Jesús. ¹¹Cuando imatonyaj iga pisneum jém Jesús y iga jém Malía iixñeum, jesic jém Jesús icuyujciwiñ dá icupicyajpa.

Jesús iwiñquejáy wisten jém icuyujciwiñ

(Lc. 24:13-35)

¹²Jesic ocmi Jesús iwiñquejáy wisten jém icuyujciwiñ cuando nicyajpa tunjom. Aḥcacne iámooyi. Dá iixpicayaj. ¹³Jesic jém wisten nic inmadayyaj los de más iga pisneum jém Jesús, pero dátim icupicyajpa.

Jesús icutsat jém icuyujciwiñ iga niguiñ najiyoooyi

(Mt. 28:16-20; Lc. 24:36-49; Jn. 20:19-23)

¹⁴Jesic ocmi iwiñquejáy Jesús jém once icuyujciwiñ iganam wícpa ixiiyay. Iwogáy Jesús jém icuyujciwiñ porque tsam maloyaj iḥnama y dá icupicyajpa iga acpisnetawum jém Jesús juuts nimyajpa jém iixñeyajwiip. ¹⁵Iníamáy jeeyaj:

—Nictaami icuwiḥi yḥp naxyucmi. Aḥmadayyajjé jém wibic aḥmaḥi itumpiy jém pixiñtam iga Dios iciacputtooba. ¹⁶Siiga i icupicpa jém wibic aḥmaḥi y acchintap, jesic Dios iciacputpa. Jém dápic icupicyajpa jém wibic aḥmaḥi, ipictsonpa jém mijpic castigo. ¹⁷Como tum seña anchiiba jém ampimi jém acupicneyajwiip iga wiñiñ ifopyaj jém mal espíritu ich anniyimi. Wiapḥim

inmatyaj tungac anmafimi. ¹⁸Siiga imatspa tum tsañ o siiga iucpa algun veneno, ða ñi iwadáypa. Siiga ichigáypa icobac jém mimneyajwiip, jesic pispá.

Jesús químpa eybíc sinyucmi

(Lc. 24:50-53)

¹⁹Jesic jém tánQmi Jesús cuando yaj inmadáy jém

icuyujciíwiñ, nanicta sinyucmi, nic coñi jém tanJatuj Dios inwimi. ²⁰Jesic jém Jesús icuyujciíwiñ nicyajpa najíyooyi juíquej. Jém tánQmi tsam iyoxpát iga wiñiñ iwatyaj jém milagro. Jesic quejpa iga Dios icutsat jém wibíc anmafí. Jemum cuyaj.